



川十
四

服部文庫
117
380
1



靈泉院

117
380
2

禪林類聚一之目錄

●第一 帝王 宰臣 儒士

●第二 佛祖 法身 佛像

●第三 伽藍 殿堂 塔廟 丈室 門戶 橋路 井

●第四 祖教 問法

●第五 說法 禪定 悟道 入道

卷一 帝王 宰臣 儒士
 卷二 釋氏 法相 佛身
 卷三 佛身 佛身 佛身
 卷四 佛身 佛身 佛身
 卷五 佛身 佛身 佛身



禪林類聚卷第一

帝王

帝王

宰臣

儒士

阿育王內宮飯三萬大阿羅漢王躬自行香見第一座無
 人王問此座何故無人一尊者云此是須頭盧尊者位此
 人曾見佛來王云此人在何處者云且待須臾言訖賓
 頭盧從空而下王請就座禮敬盧不顧王乃問承聞尊者
 親見佛來是不盧以手撥開眉毛示之云還會麼王云不
 會盧云阿耨達池龍王請佛齋老僧亦預其數
 五祖戒出王語云慚愧示羣巖真云且道甚麼處見直
 饒雪天漂渺湖光滌蕩且莫說夢保寧勇代云希有
 希有佛性泰云阿育王雖飯三萬大阿羅漢要且不

識賓頭盧尊者阿育王既已不識諸人還識也無若也
不識山僧為諸人指出乃拈拄杖下禪床立云作麼
佛印元頌云拈起眉毛示育王當時几聖絕商量後來
對衆難收拾眼上依前兩簇長保寧勇云我佛親見
賓頭盧眉長髮短雙目龜阿育王猶疑狐唵嚙呢噠嘿
嚙嘿嚙嚙佛慧泉云一翳在眼空花亂墜狹路相逢
難為回避大王還識老僧無似雪眉毛長罕地
東印土國王請般若多羅尊者齊次王乃問諸人盡轉經
唯師為甚不轉者云貪道出息不涉衆緣入息不居陰界
常轉如是經百千萬億卷

汾陽昭云却勞尊者心力

天童覺頌云雲摩玩月璨含輝木馬遊春駿不羈眉底

一雙寒碧眼看經那得透牛皮明白心超曠劫英雄力
破重圍妙圓樞口轉靈機寒山忘却來時路拾得相將
攜手歸西禪需云入息未嘗居陰界出息何曾涉萬
緣一聲漁笛離南浦依舊蘆花深處眠

鄒賓國王秉劔問師子尊者云師得蘊空不者云已得蘊
空王云既得蘊空離生死不者云已離生死王云既離生
死就師乞頭得不者云身非我有豈况於頭王便斬之白
乳涌高數尺王臂自隨七日命終太子光首嘆云我父何
故自取其禍

玄沙云太子師子尊者頭也不解作得主玄覺微云
且道斬著斬不著又云玄沙恁麼道要人作主不要人
作主若也要人作主蘊即不空若不人作主玄沙恁

廢道意在甚麼處試斷看。汾陽昭別云知師不怪。芭蕉云賣寶遇著瞎波斯。琅琊覺云蜀賓好一口劍。爭奈劍上無眼。尊者好箇獅子。要且不解返嚙。翠岩云當時祖引頸王舉劍與廢時有人諫得住至今無人斷得此公案。如今衲僧作麼生斷。雪竇顯云作家。君王天然有在。

海印信頌云混沌中央一竅開。分清分濁列三才。祇因一劍輸機夜。瞻喪魂驚竟不面。佛眼遠云楊子江頭楊柳春。楊花愁殺渡頭人。一聲羌笛離亭晚。君向瀟湘我向秦。鼓山珪云艇子下揚州。浮萍逐水流。一聲河滿子。千古動悲愁。徑山果云殺人須是殺人漢。當下刀成兩段頭。臂雖虧。劍刃鋒。何似秦時轆轤鑽。

梁武帝因初祖達磨大師自西天泛海來。至金陵見帝。帝問如何是聖諦第一義。師云廓然無聖。帝云對朕者誰。師云不識。帝不契。師遂折蘆渡江。至魏後。帝舉問。師云。陛下還識此人。不。帝云不識。師云。此是觀音大士。佛心印。帝云。當遣使者認之。師云。莫道陛下詔。闔國人去也。亦不問。

汾陽昭代云。弟子智淺。保寧勇代帝吐舌示。泉大道頌云。凡聖縈纏情未忘。廓然無聖便驚狂。殺下無謀略。剛被胡人亂一場。雪竇顯云。聖諦廓然。何當辨的對朕者。誰還云。不識。因茲暗渡江。豈免住深棘。闔國人追不再來。千古萬古空相憶。休相憶。清風匝地有何極。師顧左右云。這裏還有祖師麼。喚來與老僧。

洗脚 保寧勇云煉得通紅打一錠周遭無數火星飛
十成好箇金剛鑽攤向門前賣與誰 上方在云第一
義廓云寥兮超象帝不把多年曆日看爭辯春分并夏
至遼東白鶴去無蹤三山半落青天外 佛鑑歎云始
鳴阿閣一聲鐘日暖蒼龍睡正農無擊鳳凰臺上鼓半
夜祥鸞未飛舞帝基永固如盤石胡僧虛費平生力回
指少林歸去來春風一陣花狼籍 太平古云聖諦第
一義門廓然無聖誰尊堪笑江南三月裏鸚鵡啼在百
花村 長靈車云不解禪家妙法面無慙色少喜
多嘆 雲堂衍云西天身子氣雄豪歎負神州罪莫逃
開梁帝當頭輕一拶果然提起活人刀 佛燈珞云展陣
開旗便要贏誰知御駕不親征把定鏘旗杖陣脚直至

雄峯不出兵

梁武帝問達磨大師云朕自即位已來起寺寫經度僧不
可勝紀未審有何功德師云實無功德帝云師何言無師
云此乃人夫小果有漏之因如影隨形雖有非實帝云如
何是真實功德師云淨智妙圓體自空寂如是功德不以
出求
梁武帝請傅大士講經大士陞座以界尺揮案一下便下
座帝愕然誌公問帝云陛下會不帝云不會誌云大士講
經竟
白雲端云傅大士與誌公被梁武帝一狀領過
正覺逸頌云遠別雙林事有因金陵明主慕仁人良哉
高座登臨次一擊大千經出塵 雲寶顯云不同雙林

寄此身却於梁土惹埃塵當時不得誌公老也是悽慄
去國人白雲端云大士何曾會講經誌公方便且相
成一揮案上俱無取直得梁王努眼睛慈受深云大
士講經時揮案成註脚一丸消衆病不假驢馳藥佛
鐵勳云案上一聲鳴噪噪已是重重添註脚梁王何事
不回頭誌公將錯還就錯

唐肅宗帝問忠國師和尚百年後所須何物師云檀越與
貧道造箇無縫塔帝云請師塔樣師良久云會麼帝云不
會師云貧道有付法弟子耽源却請此事請詔問之師遷
化後帝詔耽源問此意如何源對云湘之南潭之北中有
黃金瓦十國無意樹下合同船琉璃殿上無知識
雪竇顯拈云肅宗不會且致耽源還會麼祇消箇請師

塔樣盡西天此士諸位祖師遭這下撥不免將南作北
有傍不肯底出來我要問你那箇是無縫塔神鼎誦
云前來國師若此作用不能明了次問耽源又恁麼頌
且道盡善未盡善雖然方便須休解始得會麼神鼎為
你諸人下四轉語湘之南潭之北君臣有路中有黃金
瓦一國淨修妙常無影樹下合同船千聖一轍琉璃殿
上無知識是聖路絕若恁麼會去也必不相賺老僧恁
麼註解又是辜負國師五祖演云前面是珍珠琉璃
後面是瑪瑙珊瑚左邊是觀音勢至右邊是普賢文殊
中間有箇幡子被風吹著道胡蘆胡蘆胡蘆胡蘆
雪竇顯頌云無縫塔見還難澄潭不許蒼龍蟠曾落春
影圍圍千古萬古與人春雲巖因云無點林中空塔

波團圓一縫甚諸訛逢人擬欲親拈出還識南陽老作
麻羅漢南云窰塔無縫立還危寶鐸玲瓏八面垂千
手大悲捫不著百重關鎖下金錠白雲端云無縫塔
從誰手造雖然有樣不堪傳如何強寫無量級求向琉
璃殿上懸長靈卓云無縫塔子鎮團圓若知端的問
耽源檀那合領深深肯本地快來薦一言
唐肅宗帝問忠國師如何是十身調御師乃起立云還會
麼帝云不會師云與老僧過淨瓶來
唐肅宗帝問忠國師如何是無諍三昧師云檀越踏毗盧
頂上行帝云寡人不會師云莫認自己清淨法身一本
雪竇頌云一國之師亦強名南陽獨許振佳聲大唐扶
得真天子曾踏毗盧頂上行又云鐵鏈打碎黃金骨天

地之間更何物三千刹海夜澄澄不知誰入蒼龍窟
佛鑑云步步踏着毗盧頂亦非自己清淨身妙入空門
得空相祖師肝膽佛精神大瀉秀云作者清規世莫儔
金篋曾握上龍樓良哉撥破毗盧頂直得文殊笑點頭
唐肅宗帝問忠國師云師在曹溪得何法師云陛下還見
空中一片雲麼帝云見師云釘釘著懸掛著
五祖戒云好事不如無
唐莊宗帝問興化獎禪師云寡人收中原得一寶只是無
人酬價師云請陛下寶看帝以兩手引幞頭脚示之師云
君王之寶誰敢酬價帝大悅
玄覺徵云且道興化肯同光不肯同光若肯同光興化
眼在甚麼處若不肯同光過在甚麼處雪竇云至尊

所得只可傍觀若非興化作家往往高價酬却翠峯
芝云興化當時下下著可謂醅酌如今作廢生斷雲
峯悅云真不掩偽曲不藏直有眼底辨取黃龍心云
興化雖則一期見機而作爭奈埋沒伊一朝天子當時
若作興化但向伊道蚌蛤之珠收得也無用處教伊向
後別有半涯免見迤相鈍置而今若有入問上座又作
廢生酬價

北塔祿頌云君王之寶實難酬興化形言下一籌兩手
展開幙頭脚勅書掛在鳳凰樓白雲端云北番王子
彎弓射南國將軍仰面看沙上空餘斜影在翩翩直自
入雲端上方盆云展手相呈老比丘至尊之寶敢輕
酬蒲庭和氣龍顏悅爭奈胡僧笑點頭天童覺云君

王底事語知音天下傾誠蔡藿心拈出中原無價寶不
同趙璧與燕金佛心才云中原收至寶合國不能藏
一入相如手佳聲滿大唐

閩王請羅山閑禪師開堂師陞座云收斂僧伽契乃云珍
重便下座閩王近前執師手云靈山一會何異今日師云
將謂是箇俗漢

洞山聰頌云羅山忍俊不能禁大展家風吼一音紙墨
如山書莫盡衲僧休向義中尋白雲端云紛紛雪散
耀閩天閩主欣逢倍樂然一且春風吹大地更無一點
在堦前疎山如云須彌座上斂伽黎海口燃音闍太
機世主大檀能藻鑑靈山嘉會愈增輝

閩王送銀交床與雪峯僧問和尚受太王如此供養將何

報答師以兩手托地云輕打我輕打我

疎山僧問雪峰道輕打我意作麼生山云頭上挿瓜齏垂尾脚跟齊

汾陽昭頌云因問如何報主恩舉畢全收坐要津舡頭若有風浪動滿目流沙不見人洞山聰云人王信重送交床旁問禪徒太著忙下手低聲言少打劣中全勝

阿誰詳保寧勇云不知將甚報君恩風起江湖水皺顏一片古帆乘興去與誰相遂過天門正覺逸云得人一牛還人一馬投之報之風流儒雅如今大有受恩人不知誰是報恩者

閩王封柑橘各一顆遣使送上雪峯問云既是一般顏色為甚名字不同峯遂依舊封回復馳問玄沙沙將一張紙

蓋却

汾陽昭頌云柑橘閩王親手封將來直問擊胡風長入入水分明在更問玄沙又不通汾陽為汝開天路寶坊金界碧霄空保寧勇云閩王兩股馳獻上雪峯一等到封而人情上下俱周美免把完全更壁開延壽云柑子將來不用疑鐵牛蚊子咬應癡閩王猶未識師意更請玄沙下一錘

授子青禪師僧問和尚適來拈香祝聖壽且道當今皇帝壽年多少師云月籠丹桂遠星拱北辰高

升霞淳頌云六國清平賀聖年珠簾高捲月明前金輪那肯當堂坐不用丹墀擊靜鞭

宰臣

單本

朗州刺史李翱仰慕藥山儼禪師道風久矣屢請不赴乃特入山致敬肅裝客禮直造座前師端然看經殊不顧視李乃云見面不如聞名拂袖便行師却召李回云師云何得貴耳而賤目李遂頂拜起問如何是道師以手指天復指淨瓶云會麼李云不會師云雲在青天水在瓶李因有省乃呈頌云練得身形似鶴形千株松下兩函經我來問道無餘事雲在青天水在瓶

玄覺拈云且道李太守是讚他語明他語須具行脚眼始得

汾陽昭頌云雲在青天水在瓶恐君妄解作惶惶汾陽問你幽魂聽如實神通現姓名天寧堦云隴西賢相登藥嶠雲在青霄水在瓶風靜雲消空獨露天門玉女

不曹烏 白楊頌云古人問道復何言水在瓶中雲在

天故國要歸歸便得離亭雲月渡頭船 無盡居士云

雲在青天水在瓶眼光隨指落深坑溪花不奈霜風苦

說甚深深海底行 圓通偈云雲在青天水在瓶丹青

把手共君行回頭不覺寒更曉一片紅光海上生

李刺史問歸宗教中道須彌納芥子渤郎不疑言芥子納

須彌真是妄談不師云人傳使君讀萬卷書籍是不云然

師云公從頂至踵都來如椰子大萬卷詩書向甚處著李

悅首而已

佛慧泉頌云放開日月明把定乾坤黑一剎回頭滿

地生荆棘龍宮海藏兮非多石火電光兮非急君不見

紫霄峯下墨池邊八駿如風追不及 木山方云芥納

須彌驗祖風清機歷歷妙難窮要知萬卷書來處跳出
當人智鑑中佛心才云芥納須彌特地疑琴書拋下
扣禪扉忽聞萬卷難藏處警轉神機唯自知唯自知丹
桂和根拔得歸

成尚書與大將送供入雪居山乃問膺禪師云世尊有密
語迦葉不覆藏如何是世尊有密語師召尚書成應諾師
云會麼成云不會師云汝若不會世尊有密語汝若會去
迦葉不覆藏

法燈拈云且道喚底是密語應底是密語時有僧問如
何是世尊有密語燈云何曾得密來東林總云恠哉
弘覺二十年羚羊掛角絕跡亡蹤及乎被尚書一撥直
得帶水拖泥作人笑恠法燈也是日午點金燈夜半發

墨汁東林即不然如何是密語却向伊道甚麤不密且
道恁麼道還有過也無良久云更不用別人性空云
逢人且說三分話未可全拋一片心

古德頌云世尊密語難覆藏迦葉見如土千古萬
古黑漫漫焦尾大蟲元是虎

鄂州太守請風穴禪師衙內陞座師乃云祖師心中狀似
鐵牛之機去即印住住即印破只如不去不住印即是不
印即是時有盧陂長老出問某甲有鐵牛之機請師不搭
印師云慣釣鯨鯢登巨浸却嗟蛙步驟泥沙陂行思師喝
云長老何不進語陂擬議師打一拂子云還記那話頭麼
試舉看陂擬開口師又打一拂太守云佛法元來與王法
一般師云太守見甚麼道理太守云當斷不斷返招其亂

師使下座

南堂靜云好十場法戰太衆還要識風元麼金鐵慣調
曾百戰鐵鞭多力恨無難要識廬波長老麼道入山
擒虎易臨筌方覺取魚難要識邳州太守麼已得真人
好消息人間天上更無疑

霍實頌云擒得廬波跨鐵牛三玄戊甲未輕酬楚王城
畔朝宗水唱下魯令却倒流保寧云鋒頭壁立鐵牛
機十字縱橫寶劍揮陣賊軍俱粉碎凱歌齊和太平
歸圓悟云列聖風規初不放過擬跨鐵牛驀頭印破
廬波當斷却沈吟電轉星飛被活擒喝下機鋒如霹靂
三玄戊甲振叢林天童覺云鐵牛之機印住印破透
出毗廬頂額却來化餅舌頭坐風穴當衡廬波負隨

棒頭喝下電光石火歷歷分明珠在盤駝起眉毛還蹉
過

陳操尚書一日與諸官登樓次見數僧行過一官人云來
者總是行脚僧陳云不是云焉知不是陳云待近來與勤
過斯須數僧至樓前陳驀召上座僧皆舉頭望陳謂眾官
云不信道

瀟山話云陳尚書可謂手擎仲尼日月腰佩毗盧金印
非唯儒士驚懾亦乃衲僧因措不見道當機如電拂方
免病接廬天童覺云陳尚書當面白拈瞞長廬一點
不得
雪堂行頌云一語離窠窻千生出蓋纏夜來風雪惡亦
沂古巖前

楊傑提刑入寶林寺因寫七佛殿額乃問昌禪師云七佛
重出世時如何師云一回相見一回新又同遊山次楊拈
起大士飯石問既是飯石為甚麼咬不破師云為太硬
楊云猶涉繁詞師云未審提刑作麼生揚云硬師云也是
第二月論士夢觀亦不曉計問都下見真當幾成何事
張拙秀才因看佛名經乃問長沙岑禪師云百千諸佛但
聞其名未審居何國土師云黃鶴樓在顯題後秀才還曾
題不云不會題師云無事也好題取一篇
佛眼遠云大衆秀才問佛居何國土長沙為甚麼却恁
麼道秀才尋常喚風詠月為甚麼長沙面前一辭不措
若是黃鶴樓有甚麼難題題取山僧題破遂云容顏

甚奇妙光明照十方我嘗曾供養今復還親觀南堂
靜云當時若是南堂待他問百千諸佛但聞其名未審
居何國土只向道秀才秀才何得貴耳而賤目
死心新頌云黃鶴樓前法戰時百千諸佛豈降旗渠無
國土居何處留得多才一首詩靈源清云聞名直下
驚天地更問所居成自滿回首却登歸去路家家門口
透長安南華昴云百千諸佛聞名久國土莊嚴何處
來覲面若無精徹眼又隨船子下揚州禾山方云千
佛靈蹤莫別求長沙機轉有來由要知覲面難藏匙黃
鶴樓前鸚鵡洲寶峯明云百千諸佛但聞名國土何
曾不現成目是不歸歸便得五潮煙景有誰爭大洪
遂云黃鶴樓詩崔顯題古今吟詠韻難齊秋空月影千

江印春晚流鶯是處啼

龐居士一日向丹霞前叉手立少時却出去霞不顧士却
來坐霞乃向士前叉手立少時便入方丈士云汝又找出
未有事在霞云這老翁出出入入有甚了期士云略無此
子慈悲霞云引得這漢到這田地士云把甚麼引霞乃拈
起居士幞頭云却似箇老師僧士却拈幞頭安霞頭上
云一似箇少年俗人霞應諾三聲士云猶有昔日氣息在
霞乃拋却幞頭云大似箇烏紗巾士乃應諾三聲霞云昔
時氣息爭忘得士彈指三下云動天動地

佛鑑勲云丹霞與龐老開市裏相逢千峯頂上握手千
峰頂上相逢却向開市裏握手如鐘在架隨扣發音木
擊大鳴小擊小響聲非內出亦非外來只如未扣已前

聲在何處各自歸堂

木鴻智云丹霞與龐老終
日用神通是處遊歷盡全身徧界中還知麼千峯勢到
巖邊止萬流流歸海上融塗毒策云平易中嶮峻斷
絕處復續龐公三度扣關丹霞三回格下可謂風行草
偃水到渠成檢點將來佛事門中則可衲僧分上全無
秋如衲僧分上又作麼生覲面機鋒如同電拂咄
南堂靜頌云燒木佛老有甚心肝賣斲籬翁家破人殘
相追相逐相激相歎難難倚天長劒射斗光寒攬海
蒼龍兮不觸波瀾看看家家有路透長安

胡釘較謂保壽沼禪師師云莫便是胡釘較麼云不敢師
云還釘得虛空不云請和尚打破來師便打胡云莫錯打
某甲師云汝向後遇多口阿師與你點破在胡後到趙州

舉前話問不知某甲過在甚處州云只這一縫尚不奈何
胡於此有省廣燈

雪竇顯云我要打這一箇漢一打趙州不合驛却胡釘
較眼一打保壽不能塞斷趙州口三打胡釘較不合放

過保壽師驀拈拄杖云更有一箇大衆一時走退乃擊
禪床一下大鴻帶云這漢雖然省去可惜趙州當時

待他道某甲過在甚處劈脊便棒非但承他保壽威光
亦乃與叢林為龜為鑑

鼓山珪頌云一縫分明在當頭下手難饒君釘較得終
是不圓全徑山果云直饒釘得這一縫點檢將來非

好手可憐兩箇老禪翁却向俗人說家醜
雲門偈禪師問僧光明寂照徧河沙豈不是張拙秀才語

僧云是師云話隨也

徑山果云驢棟濕處尿復庵封云向道莫行山下路

果聞猿叫斷腸聲法雲秀云甚處是話隨處忽有人
問法雲如何是祖師西來意只對伊道話隨也還會麼

具眼底辨取月庵果云雲門大師張幔天網撈龍打
鳳這僧不覺入他陷窟中落他纏續裏若是福嚴那下

然纔見伊舉道豈不是張拙秀才語但向道未到雲門
不妨疑著然雖如是也是賊過後張弓

禾山方頌云叶路縱橫得自由牢關扳轉妙全收箇中
密意人難會喝下須教水倒流月菴果云萬丈龍門

勢倚空懸崖撒手辯魚龍時人只看絲綸上不見蘆花
對蓼紅疎山如云問來答去無徧黨鐵壁銀山作麼

七步似顛狂，賺他無限癡男女。開眼掌堂入鑊湯，惡
受深云一火鑄成金彈子。團團都下費，鉗鎚拈來萬仞
峯頭放，打落天邊白鳳兒。
世尊味離慙率已降，王宮未出母胎，度人已畢。
鼓山珪頌云：是非海裏橫身入，豺虎羣中自在行。莫把
是非來辨我，平生穿鑿不相關。釋山果云：利刃有齒，
不須舐。蠱毒之家，水莫嘗。不舐不嘗，俱不犯。端然衣錦，
自還鄉。
世尊因廣額屠兒，日殺千羊。一日至佛所，颺下屠刀云：我
是千佛一數。世尊云：如是如是。
東山覺云：今時叢林將謂廣額過去是一佛，權現屠兒
日殺千羊。如此見廣額屠兒，且喜沒交涉。又云：廣額正

是箇殺人，不眨眼底。漢颺下屠刀，立地成佛。且喜沒交
涉。又道：廣額颺下屠刀云：我是千佛一數。這一佛多少，
分明且喜沒交涉。要識廣額麼？夾路桃花風雨後，馬蹄
何處避殘紅。
大梅當禪師因來山，與定山同行。言語次定云：生死中無
佛，即無生死來。云：生死中有佛，即不迷生死。一人是非不
已，持上山參見師。人事了來，便問未審二人見處。那箇較
親。師云：一親一疎來。云：那箇親。師云：且去。明日來。明日
又問。師云：親者不問，問者不親。來住後云：我當時在「大梅
處」失却一隻眼。
重寶頌云：來山畢竟不知換得一隻眼。大梅老漢當時
聞舉若以棒，一時打出豈止。劃斷兩人葛藤，亦不為天

下宗匠。瑞巖恭云夾山定山互論是非。拖泥帶水。即且置。作麼生。是大梅辨是非親疎。底眼還委麼。金鎖無鬚兩頭動。妙揮寶劍正當風。應庵華頌云。苦執連根苦。甜瓜徹蒂甜。兩般滋味惡。中後入黃泉。

投子大同禪師僧問。如何是十身調御師。下禪床立。又問。九聖相去多少。師亦下禪床立。

雪竇繼云。此公案諸人無不委知。若恁麼舉。天下衲僧盡成念話。杜家雪竇莫有長處也。無試為大衆舉看。九聖相去多少。投子下禪床立。如何是十身調御。投子下禪床立。且道與前來舉底是同是別。若道一般。許上座具一隻眼。若道別有奇特。許上座具一隻眼。更開一

線道。九聖相去多少。請上座下。一轉語。如何是十身調御。請上座答。一轉語。非但參見投子。亦乃知雪竇長處。若總道下。繩床立。惜取眉毛好。

白雲端頌云。老婦低垂。事舅姑。起來爭免面。模糊強將雲髻。高高結。透得傍人眼也無。投子青云。水出崑崙。浪接連天。高地迥。秀林巒。禪牀畧下。雲山斷。九聖無蹤。海嶽寒。長靈卓云。愛向江邊弄釣絲。碧潭深處有嘉魚。釣頭不是無香餌。箇底如何。釣得渠。佛慧泉云。投子下。繩床。雲中逆電光。胡僧歸漢土。六月下。嚴霜。天寧璉云。投子下。禪床。通身誰辨的。擬議即千差。覲面難相識。徑山臬云。投子下。繩床。今朝為舉揚。驪前馬後。漢功忌亂承當。

投子一日指庵前一片石向雪峯云三世諸佛總在裏許
峯云須知有不在裏許者師云不快漆桶

保寧勇代雪峯以手指石云不好好一片石
佛鑑勸頌云有客釣鰲頭區區走五湖不知泥裏蚌
腹是明珠

投子僧問一切聲是佛聲是不師云是云知尚莫
鳴聲師便打又問鹿言及細語皆歸第一義是不師云是
云喚和尚作一頭驢得麼師便打

雪竇顯頌云投子投子機輪無阻放一得二同彼同此
可憐無限弄潮人畢竟還落潮中死忽然活百川倒流
開滌滌

楚州詵禪師僧問如何是佛師云殿裏底云殿裏底是泥

龍塑像師云是云如何是佛師云殿裏底

保寧勇頌云酸甜滋味本天然帶葉連枝顆顆圓南
部州人未識菴摩羅果信虛傳

德山鑒禪師上堂云大衆及盡去也直得三世諸佛口掛
壁上猶有一人呵呵大笑若識此人參學事畢一本作

投子青云然雖如是德山大似藏盡梵天月猶存漢地
星後頌云雙目入暗路峭嶇日落樓臺暫得甦爭似石
人眼半夜免教睡讓守林居須知花綻非干木無脚行

時早觸途昨朝風起長安道元是崑崙進國圖天童
覺云收把斷襟喉風磨雲拭水冷天秋錦鱗莫謂無滋
味釣盡滄浪月一鉤

長沙岑禪師僧問本來人還成佛不師云大唐天子還割

茅刈草也無

汾陽昭頌云，半人拂袖，播鴻機，問佛人多，作佛稀。王主割茅親下手，不能土上更加泥。圓悟勤云，巨嶽何曾乏土，唐皇豈可刈茅。禮拜近前，又去此天十萬迤邐。投子書云，苔殿重重紫氣深，星分辰位正乾坤。金輪不御閣浮境，豈並諸侯寶印尊。雲叢因云，簾幕春風曉，尚寒歌樓聲咽，夢驚殘金輿不御人間世，休羨壺中日月寬。

長沙僧問，如何是諸佛師。師云，汝從無量劫來，承甚麼人恩力。云，未有諸佛已前，事作麼生。師云，近日魯祖出世，為人凍語西話。保寧勇頌云，水墨丹青狀不成，混然竹木箇精靈。求恩

乞福地，五枝向道明明自不聽。疎山常云，混沌未分，便有渠堂堂相貌，絕名模。長沙謾道知恩力，試問還曾未識也無。

來山會禪師，僧問撥塵見佛時如何。師云，欲知此事，直須揮劍若不揮劍，源父捷果後僧問，石霜撥塵見佛時如何。霜云，渠無國土甚處逢渠，僧問，舉似師。師上堂云，門庭施設不無，老僧入理深談，猶較石霜百步。

丹霞淳頌云，當機一句玉珊珊，內外玲瓏溢目寒。無漏國中曾不住，月華影裏見應難。大寧頌云，太阿在手，誰敢當鋒。青山萬朵白雲重，重枯木成云，下立鐵毫。尚是塵那堪開口問他人，高揮寶劍無蹤跡。月裏嫦娥現半身。天童覺云，拂牛劍氣洗兵威，定亂歸功更是

誰一旦氣埃清四海垂衣身化自無爲
來山僧問如何是佛師云此位無賓主云尋常與甚人對
談師云文殊與吾攜水去普賢猶未折花來
投子青頌云親言言處幾人知今古無儔類莫齋玉馬
雪行歸夜半羚羊掛角日沈西 疎山如云大方獨立
峭巍巍八面玲瓏萬象圍正坐當軒無位位圓通無礙
應羣機 拈木成云當頭不犯難開口假借傍來落二
三卓爾混融無向背西天佛是甚瞿曇
洛浦安禪師僧問供養百千諸佛不如供養無心道人
未審百千諸佛有何過無心道人有何德師云一片白雲
橫谷口幾多歸鳥自迷巢
卍霞潭公云拈得疎慵非覺曉寒山懶惰不知歸壑前

丁句圓音美物外三山片月輝 枯木成云是佛由來
尚涉功明心方與道相同花開花落緣何事盡屬無心
造化中 佛智裕云百千諸佛眉彎曲無證無修眼搭
凝睛着未消連底凍一時認作碧琉璃
雲峯存禪師僧問如何是佛師云寐語作麼
雲峯悅云古人與麼道喚作應病與藥放過即不可若
不放過你這裏下得甚麼語僧擬議師以拂子驀口打
雲峯僧問如何是諸佛師云莫觸諱云如何是不觸諱師
云解無慚愧僧問如何是諸佛出身處師云仁者已分事
作麼坐云是甚麼師云無我且問你僧無對師云我識得
你又僧問承和尚有言三世諸佛向這裏出頭不得手空
諸佛有何過所以出頭不得師云這不識羞耻漢

雲門偃禪師僧問如何是佛師云乾屎橛

佛影歎頌云稽首金容乾屎橛應物現形如水月香臭皆從佛口生九聖從來同一舌鼓山珪云不用唐言

譯休將梵語傳摩醯首羅眼對面隔西天徑山果云

雲門乾屎橛全超法華化無事出山遊百錢杖頭掛

惠因淨云問處分明答處親半同含笑半同嘆若看陌上二三月那箇枝頭不帶春

雲門僧問如何是諸佛出身處師云東山水上行

覺菴清頌云諸佛出身處東山水上行石廩筭斜出岸

懸花倒生

雲門垂示云古佛與露柱交參是第幾機自代云南山起

雲北山下雨

五祖演云大小雲門大師元來小膽四面道古佛與露柱交參是第四機良久云這箇說話面皮厚三寸出語

成不遜好將臨濟棒一日打三頓甚麼人下得手雖然

罪過彌天新赦咸放禾山方云了得物我一如能使

風雲會合須是雲門始得且道既了了得物我一如這

僧無對處又作麼生良久云嶮

雲寶顯頌云南山雲北山雨四七二三面相觀新羅國

裏曾上堂大唐國裏未打鼓苦中樂樂中苦誰道黃金

如糞土天童覺云一道神光初不覆藏超見緣也是

而無是出情量也當而無當巖花之粉兮蜂房成窠野

草之滋兮麝臍作香隨類三尺一丈六明明觸處露堂

堂本覺十云南山雲北山雨新羅打鼓韶陽舞石虎

哮吼上九天泥牛入海無尋處

疎山仁禪師僧問如何是諸佛師師云何不問疎山老漢
投子青頌云養子方知在上慈親言無味外人疑故窮
滄浪深深處聽取漁家輞莫迷

洞山初禪師僧問如何是佛師云麻三斤

玉泉璉云天無四壁地絕八荒向甚麼處與洞山相見
咄

北塔祿頌云麻皮三斤不用秤秤頭那肯坐於蠅一念
纒生筋骨露徒勞更覓定盤星
雪竇顯云金烏急玉
兔速善應何曾有輕觸展事投機見洞山跛鼈盲龜入
空谷花簇簇錦簇簇南地竹兮北地木因思長慶陸大
夫解道合哭不合哭
法昌遇云火麻皮子若何分臘

雪前茶解醉君更有路行人未到野花含笑舊枝春
投子青云三三下閨太家知也有瞞頂不記時昨日鴈
回沙塞冷嚴風吹綻月中枝無盡居士云三斤足秤
洞山麻撥動錙銖萬里差啼得血流無用處夜來依舊
宿蘆花

風穴沼禪師僧問如何是佛師云杖林山下竹筋鞭
慈明圓頌云杖林山下竹筋鞭南北禪人萬萬千莫恠
相逢不下馬東西各自有前程
雲峯悅云杖林山下
竹筋鞭頭尾拈來總一般莫恠玄沙不出嶺他家元是
釣漁船
海印信云杖林山下竹筋鞭枝節蕭疎古澗
邊要會宗師開正眼滿輪午夜照秋天
真淨文云杖
林山下竹筋鞭水在深溪月在天良馬不知何處去

難依舊世尊前。雲溪恭云：杖林山下，竹筋邊，南北行人萬萬千，堪羨一堂無事客。卧雲深處不朝天。風穴僧問：如何是佛師？云：如何不是佛？云：未曉。云：言乞師。再指師云：家住海門東，扶桑最先照。保寧勇頌云：眉間一道白毫光，歷劫知將甚處藏。永夜寂寥天未曉，更須研額望扶桑。法眼益禪師僧惠超問：如何是佛師？云：汝是惠超，其僧於是悟入。
汾陽昭頌云：問佛從頭理，不虧莫同巧。妙騁鋒機，真金若不鑪中煅，爭得將金喚作泥。雪竇顯云：江國春風吹不起，鷓鴣啼在深花裏。三級浪高魚化龍，疑人猶辟夜塘水。天台懷云：通官買賣不相饒，問佛言云是惠超。

超嗟見衲僧生異解，認他虹虹作遷橋。佛惠泉云：饒到元正便是年，暖風無處不陶然。途中多少尋春客，悞聽黃鸝作杜鵑。真歇了云：問佛分明答，惠超羊子入兩不相饒。叢林萬古為殃禍，惡語傷人恨不消。廣德禪師僧問：如何是佛師？云：盡戟門開見墜僊，僧馳此語空州中。悟空處便問：盡戟門開見墜僊，意旨如何？空云：真饒親見釋迦來，智者咸云不是佛。師後聞此語，遙望城中禮拜云：悟空古佛豈止羊二十口。琅琊覺云：廣德腦後添了悟空，眼中拔楔雖然善。順機宜敢保他家未徹。水庵十頌云：盡戟門開見墜僊，廓然身在洞中天。從茲不復論冬夏，石爛松枯知幾年。

首山念禪師僧問如何是佛師云新婦騎驢阿家牽
五相演云太衆莫問新婦阿家免煩路上波叱遇飯即
飯遇茶即茶同門出入宿世冤家
海印信頌云新婦騎驢阿家牽王老空中駕鐵船井底
掛帆風勢惡須彌頂上浪滔天 南華曷云新婦騎驢
阿家牽萬里滄溟駕鐵船參差島嶼分諸國彷彿星河
共一天 文殊道云新婦騎驢阿家牽碧玉羅紋頂上
旋播土揚塵尋不見元來只在舊山前 天童覺云新
婦騎驢阿家牽體段風流得自然堪笑効驢隣舍女向
人添醜不成妍 徑山果云新婦騎驢阿家牽步步相
隨不着鞭歸到畫堂人不識從今懶更出人前
長慶稜禪師有時云寧說阿羅漢有三毒不說如來有二

種語不道如來無語只是無一種語保福云作麼生是如
來語師云聾人爭得聞福云情知汝向第二頭道師云作
麼生是如來語福云喫茶去
雲居錫云甚麼處是長慶向第二頭道處
雲實顯頌云頭号第一第二卧龍不鑑止水無處有月
波澄有處無風浪起稜禪客稜禪客三月禹門遭點額
白雲端云不說如來有二語三三為九須重數何謂聾
人爭得聞孤喪未免還歸主 佛鑑勸云無是無非歸
掌握有聞有見隔關山始知一種如來語不在世人情
斛問 南華曷云第一頭第二頭清風明月兩悠悠將
軍戰馬今何在野草閑花滿地愁
天彭禪師僧問如何是佛師云親切不離家寂寞不當戶

禾山方云天彭與麼說話終成滲漏且道三種滲漏中
隨在那種滲漏要會麼無身有事超歧路無事無身落
始終

投子青頌云白雲時映舊山青竹鎖薄煙露幾莖虛室
夜寒秋月迥鴈回遙聽可三更

九峯處禪師僧問承聞和尚有言諸聖間出祇是傳語人
是不師云是云世尊一手指天一手指地云天上天下唯
我獨尊和尚為甚麼却喚作傳語人師云祇為一手指天
一手指地所以喚作傳語人

丹霞淳頌云妙相圓明不可親奴兒婢子自慙慙指天
指地稱尊大也是傳言送語人

同安寒禪師僧問如何是天人師師云頭上角不全身上

毛不出

丹霞淳頌云祕殿重幃曉尚寒丹堦苔潤未排班寶香
鳳燭煙雲合寂々簾垂不露顏

雲住禪師僧問如何是諸佛師々云文殊聳耳
丹霞淳頌云無相光中未兆身清虛渺邈豈為隣一輪
明月當軒照王殿蕭蕭不見人

趙橫山柔禪師僧問如何是佛師云平地望高坡
投子青頌云江山燈盡幾施功方得逢入話背同春到

洞庭南壁岸鳥啼西嶺月生東

曹山霞禪師僧問佛未出世時如何師云曹山不如云出
世後如何師云不如曹山

五祖演云若以世諦觀之曹山合喫二十棒若以祖道

觀之白雲合喫二十棒。然雖如是棒頭有眼，兩人中一人全肯一人全不肯。若以點檢得出，許你具半隻眼。
天童覺云：佛與曹山賓主互換出世不出世，各具一隻眼，未有長行而不往，長住而不行，還會麼？幽洞不拘，關鎖意縱橫，那涉兩頭人。
松源岳云：轆已讓人弄巧，成拙，出世未出世，虛空裏釘橛。曹山有沒量罪過，治父亦有沒量罪過，汝等諸人還檢點得出麼？一東一冬，又手當當。
玉泉璉云：火燒荆棘，三千界鐵鑄浮屠，百萬層投子青頌云：月隱青山，瑞氣高，搭藏丹鳳，觀無寒無端。石馬潭中過，驚起泥龍翻海潮。
五祖戒禪師僧問：如何是佛師？云：踏著秤槌，硬似鐵。
雲峰悅頌云：踏著秤槌，硬似鐵，慳懂禪和猶未瞥。一冬

嶺上火雲生，六月長天降大雪。白雲端云：踏著秤槌，硬似鐵。此時有理，不能說。新羅國裏火星飛，直向雲門指上熱。
天寧璉云：信步紅塵裏，無人問短長。歸來天欲暮，片月照滄浪。
法華舉禪師僧問：如何是佛師？云：蘆芽穿膝，大海印信頌云：信手拈來，如掣電。全機大用疾如風，放行一句通消息，後夜猿啼在亂峯。
法華示衆云：釋迦不出世，達磨不西來。佛法徧天下，談玄口不開。
徑山泉云：作賊人心虛。
慈明圓禪師僧問：如何是佛師？云：水出高原，師自頌云：水出高原也，大奇禪人不會眼。麻彌若也未。

明泥水句燈籠露柱笑嗜々。正覺逸云慈明為水出
高源天下禪僧走似煙只聽清聲來耳畔不知流落那
峯前。馮山秀云衝斷雲根迸石來冷冷千古下崖
未明滴滴朝宗意聽取春深動地雷。地藏恩云高源
水出曉晴天對峇臨機豈偶然衲子不知流落處一尋
寒木破溪煙。

大愚禪師僧問如何是佛師云鉢解秤椎
白雲端頌云鉢解秤椎無縫罅風吹日炎朝復夜雖然
不許亂商量一任稱提遶天下。鼓山珪云鉢解秤椎
渾似鐵大愚老子曾饒舌水流澗下太忙生雲在嶺頭
閑不徹徑山果云問佛如何是宗師即便酬秤椎將
鉢解言外度迷流。

楊歧會禪師僧問如何是佛師云三脚驢子弄蹄行云莫
只這便是師云湖南長老
應庵華云大小楊歧話作兩極且道薦福為人眼在甚
麼處。松源岳云大小楊歧被這僧靠倒。
白雲端頌云三脚驢子弄蹄行奉報行人着眼睛草裏
見他須喪命只緣踢踏最分明。保寧勇云前步高兮
後步低動頭搖尾三隻蹄騎過鬧市人東西湖南更有
須善提。佛鑑懃云三脚驢子弄蹄行騏驎追風迹不
箭踏破化城無覓處湖南長老重加鞭。佛性泰云三
脚驢子弄蹄行步步蓮花襯足生堪笑草中尋覓者不
知芳樹轉春鶯。鼓山珪云三脚驢兒感殺好長放後
園教喫草等閑牽去向入前踢倒湖南瞎長老。

圓悟勤禪師僧問如何是佛師云口是禪門

鼓山珪頌云有的當陽句明明箭後路着靴人喫肉赤

脚人趁兔徑山泉云口是禪門電激雷奔發端出海

震動乾坤

老宿僧問如何是佛宿云不封不樹

法華華云大衆會麼若不重下注脚去也不封不樹

以棘

智門祿禪師僧問如何是佛師云踏破草鞋赤脚走云如

何是佛向上事師云拄杖頭上挑日月

聖寶顯云千兵易得一將難求南堂靜云問又問得

好答亦答得奇今日或有入問踏破草鞋赤脚走意旨

如何只向道碧潭深處清秋月拄杖頭上挑日月又作

麼生紫羅帳裏撒真珠然雖如是此猶是讚歎之語却

如何是佛一池菖蒲蓮兩株清瘦栢如何是佛向上事

長向僧家庭何勞問高格又頌云踏破草鞋赤脚走

中憤氣衝牛斗須彌頂上擊金鐘百戰場中獅子吼

五祖演禪師僧問如何是佛師云肥從口入又云露骨跣

足

佛鑑歎頌云老去眉鬚似雪霜元來習氣尚難忘少年

無限傷心事一度思量一斷腸

五祖示衆云釋迦彌勒猶是他奴且道他是阿誰

南堂靜頌云老年經節臘樂事甚悠悠不及兒童日都

來不解愁

薦福古禪師僧問如何是佛師云莫莫又問如何是祖師

西來意師云莫莫

松源岳頌云莫莫拈出一條斷莫索任從我佛及眾生
遼天鼻孔都穿却

雪竇僧問如何是佛師云四山圍繞

南花鳥頌云狂狗逐塊瞎驢趁隊只許我知不許你會

佛巖禪師僧問如何是佛向上事師云螺髻子云如何是
佛向下事師云蓮花座

正覺遠頌云螺紋頂髻蓮花座香象頓呻獅子吼流落
人間三百年塞斷天下衲僧口

楊岐會禪師僧問撥塵見佛時如何師云東方來者直在
坐

白鹿巖禪師僧問如何是無相佛師云灘頭石獅子云意

言如何師云有心江上住不怕浪淘沙

三十六萬億十一萬九千五百同名同號阿彌陀佛

或庵體頌云竹溪煙絕雨纔通無數深紅間淺紅山店

落英春寂寂青旗吹動柳花風

澄慧端禪師僧問如何是佛師云泥捏金裝云如何是法

師云海口難宣云如何是僧師云剃頭洗鉢云向上更有

事也無師云不妨惺惺

保福殊禪師僧問如何是佛師云巧畫不似云如何是法

師云巧說不出云如何是僧師云鬚頭跣足

道吾能禪師僧問如何是佛師云毀著不噴云如何是法

師云讚著不喜云如何是僧師云剝除鬚髮

本峯展禪師因洞山問祖祖相傳合傳何事師云釋迦慳

迦葉富山云如何是釋迦怪師云無物與人云如何是迦
 葉富師云國內孟嘗君云畢竟傳底事作麼生師云百歲
 老兒看夜燈謂問破阿是物云百歲老兒看夜燈
 補禾山方云洞山雖則尋流討源未免黏牙滯齒度權師
 可謂據令而行畢竟翻成露布若此見得水到渠成其
 或未然切莫向燈影中行

丹霞溥頌云寂光影裏現全身貴異天然迥出倫家富
 兒奴偏得力夜分燈火照西隣

大光諷禪師僧問達磨是祖不師云不是祖云既不是祖
 又來作箇甚麼師云為汝不薦祖云薦後如何師云方知
 不見祖

丹霞溥頌云少林續焰事堪喜臘夜梅開雪後枝

昔年曾有語大唐國裏沒禪師

趙州諷禪師僧問牛頭未見四祖時如何師云飽柴飽水
 云見後如何師云飽柴飽水

汾陽昭頌云古人抱志坐牛頭信師就話示無休飽柴
 飽水安心靜真正無私是趙州

楊岐會禪師僧問少林面壁意旨如何師云西天人不會
 唐言

白雲端頌云天高地迥非難見水闊山重不易論萬古
 八風吹不入西天人不會唐言

永安禪師僧問牛頭未見四祖時如何師云異境靈茲
 觀者皆羨云見後如何師云葉落已枝摧風來不得韻

丹霞溥頌云寶杖親携掛屢屢徘徊常遠玉階行轉身

就父無標的拈却花冠不得各

五祖演禪師僧問如何是臨濟下事師云五逆聞雷云如何是雲門下事師云紅旗閃爍云如何是滄州下事師云斷碑橫古路云如何是曹洞下事師云馳書不到家僧作禮師云何不問法眼云留與和尚師云巡人犯夜鼓山珪頌五逆聞雷云從來五逆怕聞雷不似六蟲看水磨孤峯頂上更同行十字街頭還共坐徑山果云五逆聞雷曾參顏回一粒豆子爆出冷灰

護國元禪師僧問如何是臨濟宗師云殺人活人不取眼云如何是雲門宗師云頂門三眼曜乾坤云如何是滄州宗師云推不向前約不向後云如何是法眼宗師云箭鋒相敵不相饒云如何是曹洞宗師云手執夜明符幾箇知

天曉

羅漢宗禪師僧問祖師未來時如何師云海分千派浪地接萬重山云來後如何師云片雲生晚谷明月下堂堦

法身

仰山寂禪師僧問法身還解說法也無師云我說不得別有一人說得云說得底人在甚處師乃推出杓子瀉山亂乃云夜子用劔刃上事

應庵華云若是劔刃上事仰山何曾會用忽有箇衲僧出來問章山法身還解說法也無只向他道我說不得別有一人說得又問說得底人在甚處只對他道三生六十劫松源岳云仰山尋常一條脊梁硬似鐵被這僧連拶兩拶便乃四稜塌地瀉山一期忍俊不禁不知

失却一隻眼，忽有僧問：「治父法身，還解說法也無？」便與
欄首一踏踏倒，教伊起來作箇灑灑落落底漢，不見道。
犀因翫月紋，生角象被雷驚花入牙。

乾峯禪師上堂云：「法身有三種病，二種光，須是一一透過，
始得須知。更有照用同時，向上，一竅雲門出，眾云：「庵內人
為甚不見庵外事？」師呵呵大笑，閉云：「猶是學人疑處。」師云：「
子是甚麼心行？」閉云：「也要和尚相委。」師云：「直須與麼始解
穩坐門，應諾諾。」

雲竇顯云：「若明得德賤句，未必善因而招惡果。」
果云：「乾峯平地生堆，韶石因風起浪。雖然合水和泥，千古叢林榜樣，不
入洪波裏，爭見弄潮人。」
四祖聲云：「乾峯布漫天網，打

鳳羅龍格外清規，為尋知己。雲門酒逢知己飲，詩向會
人吟。也是利動君子，要見一太老麼好手，手中誇好手。
一條拄杖，兩人兒。

白雲端頌云：「鋪主將鑰試寶人，謂言難似此。金真寶人
拂袖先行去，滿面慚惶不敢噴。」佛性泰云：「垂鈎四海
釣，得龍格外玄。談知已從相見，披衫帶席帽，不妨把系
上高峯。」楚安方云：「三種病兮二種光，法身於此盡空
堂。時人不曾箇中意，猶把法身謾度量。」欽山方云：「三
種病兮二種光，衲僧於此共商量。商量得到無疑地，野
草閑花滿地香。」

雲門偈禪師僧問：「如何是透法身句？」師云：「北斗裏藏身，
徑山果云：「雲門老人恁麼道，只答得法身句，不答得透

法身句今日或有人問徑山如何是透法身句即向他道蟬蛭眼裏放夜市太蟲舌上打鞦韆

玉瀾林頌云北斗藏身為舉揚法身從此露堂堂雲門賺殺他家子直至如今謾度量慈明圓云南北東西

萬萬千乾坤上下廣無邊相逢相見呵呵笑屈指擡頭月半天雲實顯云老倒雲門泛鐵船江南江北競頭

者可憐無限垂釣者隨例忙忙失釣竿王祖演云何事文章與酒星一時分付與先生高吟大醉三千首留與人間伴月明無盡居士云透此毗盧頂上道夜來

星轉斗中藏禪家不搗天師訣也解交乳步踏罡雲門僧問如何是法身師云六不收

雲實顯頌云一二三四五六若眼胡僧數不足少林謾

道付神光卷衣又說歸西竺西竺茫茫無處尋夜來却對乳峯宿白雲端云六不收兮調最新能歌何待繞

梁塵和風滿檻花千樹不撥乾坤別是春圓悟勸云一不立六不收突然那更有蹤由無限青山留不住落

花流水太悠悠雲門僧問如何是清淨法身師云花藥欄云便與麼去時

如何師云金毛獅子雲實顯着語云太無端天童覺云賊來須打客來須

待雲門雲實二俱作家這裏真方便與麼去若麼切忌

撞頭磕額雲實頌云花藥欄莫顛頂星在秤兮不在盤便與麼太

無端金毛獅子大家看雲漢恭云是處三春花藥欄

五湖禪客不須看尋枝摘葉應難會才瓜分明子細觀
枯木成云遊子奔馳不少安但知門外逐歌歡自家田
地荒來久只看人間花藥欄佛智裕云清淨法身拖
藥攢眉毛刺倒須彌山誰將玉笛傳凄怨吹過蘆叢明
月灣

雲門僧問如何是法身向上事師云向上與汝道即不難
作麼生會法身云請和尚繼師云繼即且致作麼生會法
身云與麼與麼師云這箇是長連床上海得底我且問汝
法身還解喫飯麼僧無對師云須知是學語之流
雪竇顯云將成九仞之山不進一簣之土過在甚麼處
梁山庵主云雲門直得入泥入水
名覺云喫甚麼作
飯
圓悟勤云雲門可謂駘耕夫之牛奪飢人之食權

衡佛祖龜鑑宗乘所以後來尊宿各出眼自扶墜太教
雖然如是只明得法身邊事未明得法身向上事且道
如何是法身向上事域中無向背關外有權衡

南堂靜頌云韶陽機鋒迅雷霹靂僧問法身喫飯不喫
學語之流卒說不出山河大地聊克饑四海五湖輕一

吸
雲門云光不透脫有兩般病一切處不明面前有物是
又透得一切法空隱隱地似有箇物相似亦是光不透脫
又法身亦有兩般病得到法身為法執不忘已見猶存半
在法身邊是一直饒透得法身去放過即不可子細點檢
來有甚瘳氣息亦是病

徑山果云不用作禪會不用作道會不用作向上商量

此是雲門老漢據實而論我恁麼道有沒量罪過汝若
檢點得出許你具擇法眼若檢點不出且向雲門葛藤
裏參
天童覺頌云森羅萬象許崢嶸透脫無方礙眼掃彼
門庭誰有力隱人肯次自成情船橫野渡涵秋碧棹入
蘆花照雪明串錦老漁懷就巾飄々一葉浪頭行
芭蕉清禪師僧問如何是透法身句師云一不得問二不
得休云學人不會師云第三度來與你相見
松源岳以拂子擊禪床云還見麼挫土成金猶可易變
金爲土始知難
皮子青頌云休問維摩卧病城裏山空自掩光陰流沙
欲渡全無難莫聽鶯鳴在那林
西禪雷云一不問兮

二不休直須識取那鉤頭再三回首來相見急水波心
輓綉毬

白馬霸禪師僧問如何是清淨法身師云井底蝦蟆吞却
月

黃龍僧問如何是井底蝦蟆吞却月龍云不奈何云恁
麼即吞却去也龍云一任吞云吞後如何龍云好蝦蟆
升霞湧頌云九重深窈視聽難玉殿瓊樓宿霧攢
盡歸臣相事輪王不戴寶華冠

風穴沼禪師僧問如何是清淨法身師云金沙灘頭馬耶
婦

浮山遠頌云相逢盡道歸山去林下何曾見一人回首
面南看北斗金雞早報五更春
海印信云截鐵之機

安可測。頓開千眼，莫能窺。禪人到此，徒名貌，錯認查梨。
作乳梨。正覺逸云：金沙灘裏，馬郎婦宗匠，臨機發一
言，自笑箭穿紅日影。孰云：斫水不成痕。無盡居士云：
風何年嫁事馬家郎，鳳枕同歡碧玉床。回首畫橋離別苦，
落花流水淚千行。

蟾首座問洞山：佛真法身猶若虛空，應物現形如水中月。
作麼生說箇應成道理？山云：如驢覷井。率云：是則是，只道
得八成。山云：首座作麼生座？云：如井覷驢。或問：僧問之，若
瑞巖鴻云：首座始道一半。洞山方得八成，要得全道，麼
如井覷井。枯木成頌云：出路從前無十成，有言須是脫凡情。江邊
玉女呵呵笑，鑽上石人側耳聽。無為居士云：驢覷井。

井覷驢，五臺何處不文殊。黃面老人任多口，未知道得
八成無。天童覺云：驢覷井，井覷驢，智容無外淨，慈有
餘。肘後誰分印，家中不認書。機絲不掛梭頭事，文彩縱
橫意自殊。大龍禪師僧問：色身敗壞如何？是堅固法身。師云：山花開
似錦，澗水湛如藍。禾山方云：這僧只有照壁月，更無敗葉風。若不是大龍，
全機幾乎話你兩機參。靈寶頌云：問曾不知卷，還不會月冷風高。古叢寒檜
堪奕路，蓬蓬道人。不將語默對，手執白玉鞭。驪珠盡擊
碎，不擊碎增壞。類國有憲章三千條，罪。南堂靜云：色
身敗壞世常情，一點靈光到處晶。澗水如藍花似錦，法

身何處不分明。地藏恩云山花如錦，水如藍，雲在高峯，月在潭。兩箇泥牛闌入海，行人脫袴杖頭擔。佛鑑勸云山花似錦，春長在澗水如藍，碧湛然信步白雲深。處去須知別有洞中天。

疎山示眾云老僧咸通年已前會得法身邊事咸通年已後會得法身向上事。雲門問承聞和尚咸通年已前會得法身邊事咸通年已後會得法身向上事。師云是明如何是法身邊事師云枯椿云如何是法身向上事師云非枯椿云還許學人說道理也無師云許云枯椿豈不是明法身邊事師云是云非枯椿豈不是明法身向上事師云是云法身邊事該一切也無師云作麼生不該門指淨餅云還該這箇麼師云關剌真向淨餅邊會門使你禮

上方告云疎山總是戰爭收拾得却因敵舞破除休雲門舌上有龍泉。徑山果云雲門禮拜不是好心。

古德頌云青青掩映松蘿窟，偈竹超然物外物。若將偈竹比喬松，不及喬松老風骨。

烏石靈觀禮師僧問如何是毗盧師法身主師云不道云為甚麼不道師云我若道即縮却我舌我若不道即亞却我口其偈舉似洞山山大展坐具禮拜云古佛古佛。

圓悟勸云猛虎口裏橫身毒蛇頭上措痒須是作家宗師方有此箇手段若不是洞山洎嶮放過也還知落處麼識言侵早起更有夜行人。

南堂靜頌云烏石老古維門風能峭絕有問毗盧師開口端的別箇有齧齧機天無第二月軟語若金剛漚狹。

是生鐵

廣德延禪師僧問如何是透法身句師云無力登山亦
戶絕知音

丹霞淳頌云體妙探玄盡涉程爭如野老異中行功忘
日用平懷穩免事君王寵辱驚

天寧楷禪師上堂云法身者理妙言玄頓超終始之患諸
仁者真是幻身外別有法身麼真即幻身便是法身麼若
也恁麼會去盡是依他作解蒙昧兩歧法眼未得通明不
見僧問交山如何是法身山云法身無相如何是法眼山
云法眼無瑕所以道吾云未有師在忽有人問老僧如何
是法身羊便乾虱卧如何是法眼驢便濕處屎更有人問
作麼生是法身買帽相頭作麼生是法眼坑坎堆阜若點

檢將來來山祇是學趣不玄如流俗聞閻裏物不能捨得
致使情關固閉識鎖難開老僧今日若不當陽顯示後學
何以知歸勸汝諸人不用求真唯須息見諸見若盡皆盡
不生自然智鏡洞明更無他物諸人還會麼良久云珠中
有火君須信休向天邊問太陽

丹霞淳頌云道合平常絕異端行人何必歷艱難從今
莫買孫臏下龜殼無靈不用鑽

佛像

世尊往初利天為母說法優填王思佛命匠人雕海遺像
及至世尊下來像亦出迎

五祖演云諸人且道下來底是出迎底是又教中道如
來者無所從來亦無所去莫是法身無來去化身而來

去麼若人於此見得日消萬兩黃金其或未然草鞋錢
教甚麼人還

無邊身菩薩將竹杖量世尊頂丈六了又丈六量到梵天
不見世尊頂相乃擲下竹杖合掌說偈云虛空無有邊佛
功德亦然若有能量者窮劫不可盡

五祖演云大衆無邊身菩薩說得且止諸人還解自量
也無若教老僧自量直是無下手處不見古人道卧克
佛座功德難量孟子燒香寮雲鸞隸何故如是別是
家春

南泉願禪師因陸巨大夫問弟子家中有一片石亦曾坐
亦曾卧如今欲鐫作佛也還得麼師云得得陸云莫不得
麼師云不得不得

評俗斗字

雲巖云坐即佛不坐即非佛 洞山云不坐即佛坐即

非佛 保福展云南泉看樓打樓雲巖洞山一起一倒

五祖戒云南泉只解移風不解易俗雲巖洞山夢中說

夢 虎丘隆云南泉雖似鏡之端形胡來胡現漢來漢

現只是不通檢點當時待他道弟子家中有一片石亦

曾坐亦曾卧欲鐫作佛得麼只對道莫惜高名鐫石上

維摩頌盡此時心 天童覺云轉功就位轉位就功還

他洞上父子且道南泉意作麼生直是針錐不得

真如詰禪師頌云得與不得天寬地窄坐卧經行無旁

疑或 正覺遠云問得也道得不得還不得侯白何曾

白侯黑未是黑貴池王老師天下賊中賊賊大夫象簡

曾拈得 黃龍震云南泉得得何似不得淑人君子其

儀不感 佛眼遠云親從家中來家中何所有持此
片石廣大堅且久靈山曾獻佛帝釋聊舉手心中出何
物安樂并長壽

丹霞然禪師嘗到洛京慧林寺值天寒遂於殿中取木佛
燒火向院主偶見呵責云何得燒我木佛師以杖撥灰云
吾燒取舍利主云木佛安有舍利師云既無舍利更請兩
尊再取燒之院主自後眉鬚墮落

投子青云不會為客勞煩主人 應庵華云諸方商量
道院主忽起疑心而致斯禍又云院主天寒不與丹霞
火向致令燒却木佛遂乃眉鬚墮落殊不知院主買鐵
得金一場富貴

無盡居士頌云雪擁巖扉凍不春一尊木佛時為所眼

晴動處眉毛落為謗如來正法輪 投子青云古巖苔
閉冷侵扉飛者驚危走者迷夜深寒熱汀洲火失曉
家忙自疑 佛燈珣云老倒丹霞燒木佛院主眉鬚
突出罪過從來做底當誰道千虛不博寶 楚安方云
觀面難藏向上機宗風千古為人施銀山鐵壁重重透
賴有丹霞院主知

長髯曠禪師初參石頭頭問甚麼處來師云大庾嶺頭來
云大庾嶺頭一鋪功德成就也未師云成就久矣只欠點
眼云真要點眼不師云便請石頭垂下一足師便禮拜頭
云見甚麼道理便禮拜師云如紅爐上一點雪
玄覺云且道長髯具眼祇對不具眼祇對若具眼為甚
麼請他點眼若不具眼又道成就久矣且作麼生商量

法燈代云和尚可謂眼昏
雪竇顯云無眼功德有甚
麼點處南華是云喚作一鋪功德已是強名石頭在
下一足長髯云如紅爐上一點雪轉見漏逗雖然如是
劍閣路難險夜行人更多
保寧勇頌云一鋪木悲千手眼十分圓就未開光君
筆下神通現更有靈蹤在上方天童覺云嶺頭功德
眼倦足等閑垂紅爐一點雪直下廊下依無盡居士
云國乎精奇老石頭毫端點出佛雙眸破繩床上閑垂
足兩道神光夜不收智海清云長髯未向嶺南來功
德圓成眼已開珍重善財回首處文殊元不下樓臺
草堂清云撥草瞻風到石頭關山重疊路迢迢嶺頭功
德圓成紅爐雪未消

黃蘗運禪師因裴相國捧一尊像於師前跪云請師安云
師召云裴休裴應諾師云與汝安名竟裴作禮

雪竇顯代裴相國當時便唱
汾陽昭頌云師前跪托請安名舊地當鋒喚一盤不是
裴公誰敢應直教聾聵也開聽佛印元云裴相當持
忘却各被人喚著又惺惺不知未具胞胎目誰敢塗胡
此性靈保寧勇云五彩雜來掌上擎老胡剛為立虛
名君今欲得認諸祖須向金剛頂上行草堂清云不
是心兮不是佛黃檗喚出是何物裴公從此認虛名天
下衲僧跳不出楚安方云捧來前面請安名黃檗高
高喚一聲割出從前真面目從茲佐得國風清
黃檗因裴相國入大安寺見壁間高僧畫像乃問主僧真

容可觀高僧何在方主無語裴云此間真有禪僧發主云近
有一僧投寺執役頗似禪僧即是師也裴乃召至選前訪
師云請相公垂問裴云真容可觀高僧何在師召相公裴
應諾師云高僧何在裴於言下大悟
應庵華云木衆黃蝶布縵天網要打衝浪錦鱗裴相國
坐籌帷幄不妨決勝千里諸人若也於此見得個儻分
明可謂今之古之苟或未然三尺龍泉光昭騰萬人叢
裏奪高標

趙州論禪師示衆云泥佛不度水金佛不度鑪木佛不度
火
白雲端云木衆趙州老子十二劑骨頭八萬四千毛孔
一時掀向諸人懷裏了也圓通今日路見不平爲古人

出氣以手拍禪床一下云須知海嶽歸明主不信乾坤
陷吉人參
靈寶顯頌云泥佛不度水神光照天地立靈如未休何
人不離偽金佛不度鑪人來訪紫胡牌中數箇字清風
何處無木佛不度火常思破竈墮杖子忽擊着方知幸
負我白雲端云併却泥佛金木佛趙州放出意天鷲
東西南北謾擡頭萬里重雲只一突鼓山挂云金佛
木佛泥佛度鑪度水度火盡入趙州紅鑪烈焰光中假
過一聲白雲陽春萬古無人能知徑山泉云九十七
種妙拍顧陸丹青難狀趙州眼目精明顯見心肝五臟

伽藍

殿堂

塔廟

丈室

門戶

橋路并階

伽藍

此處真建梵刹帝釋將一草
草捧於地上云建梵刹已竟世尊微笑

天童覺頌云百草頭上無邊春信手拈來用得親丈六
金身功德聚等閑攜手入紅塵塵中能作主化外印來
賓觸處生涯隨分足未嫌伎倆不如人

無着禪師因往五臺禮文殊因告辭文殊肉劫提童子送
出門首師問此寺是何名額童子指金剛背後師回首
與童子俱隱沒只見荒草空谷

洞山云欲觀其父先觀其子鳥巨行云此是兄弟合

做底事還會麼聖寺忽然隱處無着已眼親聞童子再
三喚時數目十分具足

明招謙頌云鄒周沙界聖伽藍滿目文殊接話談言下
不知開佛眼回頭只見翠山巖正覺逸云寺額突然

耀指端大悲个眼莫能觀自從一觀金剛背直至如今
作野盤佛印元云樓臺雖有額全無試問頑童起劫
初忽指金剛看背後年衰多被鬼挪榆道吾真云前
後二二是多少大事光輝明皎皎回頭不見解空人滿
目白雲臥荒草

趙州論禪師僧問如何是清淨伽藍師云了角女子云如
何是伽藍中人師云了角女子懷胎汾陽昭頌云橫骨抱腹藏龍種刻膽披肝觸鳳胎勿謂

此兒容易得須知出自痛腸來海印信云咄這老場
得恁饒舌清淨伽藍一時漏泄金剛門外笑呵呵菩薩
堂中聲哽咽古德云伽藍雖是常清淨一角懷胎不
識羞無意氣時漆意氣不風流處也風流

西院明禪師僧問如何是伽藍師云荆棘叢林云如何是
伽藍中人師云權兒格子

圓悟勤頌云毫髮不留縱橫自由闔外乾坤寥落大方
無外優游明明祖師意明明百草頭禱破狐疑網截斷
愛河流縱有面夫力爭如真上休囚衢道中淨躑躅放
出馮山水牯牛

平門徹禪師僧問如何是無相道場師云月照水澄澄青
山無異路云如何是道場中人師云我全向汝說汝還會

也廢

大陽堅禪師僧問如何是無相道場師云不坐菩提樹

向雪山遊又云佛殿裏懸幡

寶蓋中禪師僧問一間無漏舍合是何人居師云無各不

掛體云還有位也無師云不處

金峯志禪師因曹山問作甚麼來師云蓋屋來山云了也

末師云了也云這邊事則了那邊事作麼生師云候一月

來白和尚山云如是如是

梁武帝問達磨起寺見帝般若寺被火焚見水

殿堂

投子大同禪師僧問如何是空王殿師云建立不得

雪峯存禪師僧問如何是空王殿師云大小云如何是空王佛師云是甚麼

門復禪師僧問古殿無佛時如何師云梵音何來

南堂靜頌云古殿無佛梵音何來夢中喚省樓閣門開

靈光一點絕塵埃耀古騰今徧九垓

南院顯禪師僧問古殿車輿時如何師云明堂瓦燕窩云

恁麼則莊嚴畢備去也師云斬草蛇頭落

古德頌云縱奪之機安可測隨言生解實堪悲曉來一

陣春風起吹落庭前三四枝

德山繼禪師行脚時披衲子到瀉山直上泮掌上從西過

東從東過西顧視方丈瀉山不顧師云無無便出去頭雪

話云師至明首却云也不得草草却具威儀無入相見

纔跨門提起坐具云和尚為擬取拂子師便唱拂袖而

出云也云鴻至晚間首座今日新到在不座云當時首座

法堂看草鞋出去了也鴻云還識此人麼座云不識鴻云

此子已後向孤峯頂上盤結草庵呵佛罵祖去在續云

五祖戒云德山作賊人心虛瀉山賊過後張弓徑山

果云二尊宿恁麼相見每久失却一隻眼

雪竇顯頌云一勸破二勸破雪上加霜曾喚薩飛騎將

軍入虜庭弄得完全能幾箇急走過莫放過孤峯頂上

草裏坐上方益云偷管所寨入中軍應是機謀已十

分袖裏金鎗猶未動山前飛騎去紛紛海印信云虎

穴深林人不到到者還須是獵人老虎睡驚鐘舉自警

然跳出獲全身佛鑑勸云德山老能法戰一喝聲光

吼雷電騎虎頭兮收虎尾持虎鬚兮真可羨急走下山
三十里又被為山道一箭

雪峰存禪師示衆云望州亭與汝相見了也烏石嶺與汝
相見了也僧堂前與汝相見了也後來保福問鵝湖僧堂
前且致望州亭烏石嶺甚麼處相見來鵝湖驟步歸方丈
保福便低頭入僧堂

東禪齋云此二章宿會不是相見不相見試斷看雪
寶顯云二老是則是只知雪峰放行不見雪峯把定忽
有箇衲僧出來問未審雪寶作麼生豈不是別機宜識
休咎底漢遠有望州亭烏石嶺相見底衲僧麼良久云
擔板禪和如麻似粟薦福信云古人與麼只有頽水
之波且無逆風之浪寶林遠云雪峯是三處相見保

福以兩處問人鵝湖只解把定不解放行若有問寶林
烏石嶺望州亭甚麼處相見攔腮便掌待伊擬議拽拄
杖打出三門且要與雪峯流通此話

汾陽昭頌云望州烏石與堂前相見相逢萬萬千唯自
鵝湖并保福此時相見解推遷海印信云望州烏石

常相見何故禪人却背違保福鵝湖雖得意理共曾未
展繡旗佛眼遠云密密堂堂早二三本來無物更何

堪疑人見了生歡喜作者相逢滿面慚徑山果云望
州烏石與僧堂業識忙忙不可當提起衲僧拄杖子五

湖四海沸如湯大洪遂云登山過水幾箇人持地祖
逢問道途堪笑華山潘處士長安路上倒騎驢

雲若簡禪師僧問孤峯獨宿時如何師云閑却七間僧堂

誰教你孤峯獨宿

丹霞溥頌云法爾非修本亦成平常酬答最分明端然
指出長安道無奈遊人不肯行

塔廟

踈山仁禪師因主事僧為師造壽塔了來白師師云汝將
幾錢與匠人僧云一切在和尚師云為將三文錢與伊為
將兩文錢與伊為將一文錢與伊若道得與吾親造塔僧
無對後有僧到大嶺即羅山也舉前話嶺云還有人道得
不云未有人嶺云汝回舉似踈山道大嶺云若將三文與
伊和尚此生決定不得塔若將兩文與伊和尚與匠人同
出一隻手若將一文與伊累他匠人眉鬚墮落僧回舉似
踈山山具威儀造望大嶺禮拜歎云將謂無人

放光射此間雖然如是也是瞻月蓮花大嶺後聞之乃云
我與麼道已是龜毛長三尺

浮山遠云踈山以錐剗地大嶺用刀剗空雖然一古德
錯下錐刀今時人亦難構赴何故後語中有稍有殺然
雖如是河裏失錢河裏鹿圍情勤云諸方作者千里
回風萬派朝宗千途共轍陳尊宿尋常道老僧只有一
口劍劍下有殺人之意亦有分身之路者他受用剗到
不妨八面玲瓏若不是踈山度量通方爭見得金聲玉
振只如道若將三文與伊和尚此生決定不得塔不可
勞而無功若將兩文與伊和尚與匠人同出一隻手未
免拖泥帶水若將一文與伊累他匠人眉鬚墮落直得
水灑不着踈山云也是瞻月蓮花土曠人稀大嶺云已

是龜毛長三尺亦有殺人力亦有活人劍本眾且道畢竟明甚麼邊事翻身獅子大家看佛燈珣云踈山傾囊吞謝其柰尺頭有才這僧只知造塔元來秤尾無星大嶺三文兩銖支破不難慧日若作這僧待踈山住麼道但對曰某甲今日功不浪施看得箇語免被三文兩銖擾亂一生不教踈山外揚家醜只如鵬月蓮花龜毛三尺又且如何要會麼待諸人造塔成就即向你道佛鑑勸頌云接得風流傳粉郎一朝三度巧粧粧改頭換面無人識元是東村李二娘佛性泰云穿塔皮成賞近人千錢一二與三文可憐眼裏無筋者當面定計數目分鼓山珣云袖頭打領無添減腋下剗襟有短長大庾嶺頭一尊佛踈山兩度放毫光徑山杲云

壞十方常住地三錢使盡露屍骸羅山古佛雖靈驗未免將身一處埋雲巖因云一文兩文與三文踈山木嶺謾區分須知無縫元無價獨露乾坤聳白雲興化與禪師僧問多子塔前共談何事師云下人傳虛萬人傳實

投子青云然諸佛不出世亦無有涅槃佛既如是道亦如然是以從上諸聖密證此地所以燃燈不付正覺自成法既無傳至今續焰法既無得更復何談因測稱揚虛談玄說然到此地者何必塔前相見對眾拈花截臂傳衣方為道矣既不如是因甚麼大庾嶺頭提不起復頌云於道無所證方通萬法路或明或暗行不愼亦不護月來松色寒雲去青山露今古天台橋幾人能得度

玄沙猶定動，恨他遊子失歸源。高賢不用隨聲色，地又
天長日對門。保寧勇云：雙眸自小患，生盲兩耳從來
只聽聲。指點萬端俱不見，如何彈指得分明。佛慧泉
云：石霜雪老盡悠悠，月下相逢互唱酬。爭似釣螺江上
客，一聲漁笛過滄洲。南華禺云：咫尺之間不覩師顏，
幸然獨露誰作遮欄。老倒石霜曾指月，區區雪老重饒
舌釣魚船上。謝三郎金剛腦後添生鐵，
慈明圓禪師一日於方丈內安一盆水，上橫一口劍，下著
一雙草鞋。橫按拄杖而坐，見僧入門，便指僧擬議。師便棒
打菴顏云：和尚今日供養家親，那又以手揲揄，便作女
人拜。應庵華云：我當時若見，便去在耳邊低低地，
一轉語待他貪觀天上，却與一指，疑議投劍便斬。驀

拈拄杖下座，太衆一時趕散。
水庵一頌云：家山指出路，非遙萬仞嗟哦。掉碧霄，一
白雲橫谷口，幾多歸鳥盡迷巢。佛海遠云：骨性寒來
春復秋，夕陽西去水東流。將軍戰馬今何在，野草閑花
滿地愁。
南泉願禪師僧問：端居丈室，將何指南。師云：昨夜三更失
却牛，天明起來失却火。
徑山果云：妙喜初住，育玉亦不曾失却牛，亦不曾失却
火。或有入問：師居丈室，將何指示於人。只向道：饑餐渴
飲，閑坐困眠。且道與南泉是同是別。若也道得，許你是
箇衲僧。若道不得，三千年後却來方丈裏向你道。
保寧勇頌云：昨夜三更失却牛，天明起來失却火。腰未

繫方鞋未穿面不洗兮頭不裹

○門

世尊十日見文殊在門外立乃云文殊文殊何不入門來
文殊云我不見一法在門外何以教我入門
玄覺徵云為復是門外語門內語
如汝性空云文殊雖善道理未免以方木逗圓孔
維摩會上三十二菩薩各說不二法門至文殊云我於一
切法無言無說無示無識離諸問答是為菩薩入不二法
門文殊又問維摩維摩默然文殊嘆云乃至無有語言文
字是菩薩真入不二法門說是入不二法門時於此眾中
五千菩薩皆入不二法門得無生法忍
係福展云文殊也以掩耳偷鈴力盡鳥沈維摩一默未

出化門又云木小維摩被文殊一坐直至如今起不得
琅琊覺云文殊與麼讚善也是杓卜聽虛聲維摩默然
你等諸人切不得鑽龜打瓦
雪竇顯云維摩道豈廢
復云勘破了也
瀉山果云居士高門可謂壁立萬仞
水泄不通擬心即差動念即隔不擬不動落在無事界
此時人作麼生入良久云退後退後
雪竇頌云咄這維摩老慈悲生空懊惱卧疾毗耶離全身
太枯槁七佛相師來一室且頻掃請問不二明當時便
靠倒不靠倒金毛獅子無處討
白雲端云一箇兩箇
百千萬箇指尋文數不辨暫時放在暗牕前明日與吾
重計算
天童覺云曼殊問疾老毗耶不二門闢書作
家珉表粹中誰賞鑑忘前失後莫咨嗟區區抱璞子

庭賓士，璨璨報珠，分階城斷，蛇休點破，絕疵瑕，俗氣渾
無却較此。西禪雷云：言言言，言言言，飄雨灑雪，點點點，言
雷轟電擊，藕絲孔真騎，入鵬等閑，揆落天邊月。
鴻山祐禪師在百丈時，因司馬頭陀問：野狐話作麼生會
師乃以手撼門扇三下，陀云：太龜生師云：佛法不是這箇
道理。
佛心才頌云：因果雙行孰共知，茫茫四海路多岐，擡頭
撥出初生月，便効張公畫翠眉。佛眼遠云：春至月花
開，朱顏安在哉，可憐園裏色，不入鏡中來。佛燈珣云：
盲人來與癡人批，說著無因話，病苗一下被他扒著，後
平生痒處一時消。
鶴林素禪師因僧敲門，師問：是甚麼人，云：是僧師云：非但

是僧，佛來亦不著，云：佛來為甚麼，不著師云：無汝止泊處
松源岳頌云：十月清霜重，臨風徹骨寒，苦無棲泊處，擺
手出長安。
趙州在方丈內，聞沙彌唱，乃向侍者云：教伊去，侍者纔
教去，沙彌便珍重，師向傍僧云：沙彌得入門，侍者在門外，
雲居錫云：甚麼處是沙彌得入門，侍者在門外，這裏會
得便見趙州，云：圓圓對云：四門開，不
鼓山珙頌云：得入門，在門外，說向人，入不會，更高聲我
耳背，徑山杲云：瑟瑟風松蕭蕭兩檜，獅子咬入，韓獝
逐塊。
趙州僧問：如何是趙州師，云：東門西門南門北門。
靈寶顯頌云：句裏呈機，劈面來，樂迦羅眼，絕纖埃，東西

南北門相對無限輪槍擊不開 羅漢南云豁達門開
入趙州東西南北任遨遊龍樓鳳閣依然在失却來時
好路頭 照覺總云四廓關闕鎮趙州幾於城下起戈
矛將軍戰馬今何在野草閑花滿地愁 普融平云袖
裏金鎚一擊開東西南北絕纖埃石橋南畔臺山路報
你遊人歸去來 圓通僊云四門開豁任來遊脚下分
明到地頭四五百條花柳巷二三千處管絃樓
良遂座主初參麻谷谷見來便將鋤頭去鋤草主到鋤草
處谷殊不顧便歸方丈閉却門主次日復去谷又閉門主
遂敲門谷乃問阿誰主云良遂纔稱名忽爾喫悟乃云和
尚莫瞞良遂良遂若不來禮拜和尚泊合被十二部經論
賺過一生谷乃開門令通悟由遂印可之及歸講肆散席

告諸徒云諸人知處良遂總知良遂知處諸人不知
雲門云便有逆水之波如今得入是順水之意亦喚作
雙放時節又云麻谷問阿誰他道莫瞞某甲不是識破
麻谷相見時節若不禮拜和尚泊被經論賺過一生亦
知有賺入處又云作麼生是良遂知處
汾陽昭頌云逆順之機不易當太根良遂解思量若非
又積同風事爭肯回頭見法王 正覺逸云禪林深處
下遊盤鋤草關門豈易看真謂老師渾不是得相瞞更
且相瞞 佛眼遠云平生心膽向人傾到此門中有幾
人別後都城舊知己暖煙斜日又黃昏 白雲端云閉
戶攜鋤已太賒更來當面受塗茶光中自覺遭瞞又方
信無人共出家 海印信云閉戶攜鋤理最幽豁然不

悟話元由從來學業空勞力始信黃河觀底流

雲蓋安禪師因僧問石霜萬戶俱閉時如何霜云堂中事
作麼生僧經半年方始道得云無人接得渠霜云道已太
煞道祇道得八九成師聞却禮請石霜為道霜不道師乃
抱霜從方丈後去坐云和尚若不道須打和尚去霜云得
在師乃禮拜不往霜云無人接得渠師於言下有省

東禪齊云只如石霜意作麼生若道一般前來為甚麼
不許伊若道別有道理又只重說一遍且道古人意作
麼生翠巖老云先行不到未後太過徑山果云一

對無孔鐵鎚就中一箇最重天童覺云穩密田地忌
墮動動斯體衣裳會須脫却宗中辨的量外轉機須子
細始得同中之異酌然尚帶依稀異中之異直是難臻

妙極還到石霜父子轉側處麼燭曉玉人初破夢夜寒
青女未登機

投子青頌云古殿巖開月鎖松霜凝雪露韻無窮星前
人卧千峯室佛祖無因識得渠

雲居膺禪師僧問六戶不明時如何師云不涉緣云向上
事如何師云慎者不讓

投子青頌云春到石人視遠山鶯啼花木碧波闊須知
雲外巖松瑞千古迎風任歲寒

夾山會禪師僧問會處即不問不會處請師一言師云戶
掛洞林影中辨取

丹霞溥頌云威音那畔不能行撒手還家懶問程寒寂
無人空寂寂滿腔唯有月虛明

馬祖一禪師因鄧隱峯辭師云甚處去云石頭去師云石頭路滑云竿木隨身逢場作戲便去纔到石頭遂繞禪床一匝振錫一下問是何宗旨頭云蒼天蒼天峯無對却

且舉似師師云汝更去見他道蒼天蒼天汝便喚兩聲峯又去一依前問頭乃喚兩聲峯又無語歸舉似師師云向汝道石頭路滑

趙州論禪師僧問又嚮趙州石橋到來祇見略約師云你祇見略約不見石橋云如何是石橋師云渡驢渡馬云如何是略約師云箇箇度人

雲居錫云趙州為當其石橋扶略約
智門祚頌云趙州石橋本無屋水急趁魚不易得橋上
祇觀驢馬跡誰人敢向御街行
雪竇顯頌云孤危不
立道方高入海還須釣巨鰲堪笑同時灌溪老解云磨
箭亦徒勞

趙州僧問如何是不錯路師云識心見性是不錯路
徑山果云棒打石人頭曝論實事不用作禪會不用
祇道會若要不錯路須是識心見性始得且那箇是識
底心那箇是見底性有般底聞恁麼道便道有水皆念
月無山不帶雲恁麼見解正是鄭州出曹門
盤山積禪師示眾云向上一路千聖不傳學者勞形如猿
捉影

琅琊覺云上來講讚無限良因
楊岐會云口上著
白雲端頌云盤山向上路何玄罕見行人耳有穿口上

著來無咬處方知千聖不能傳
松源寺云千聖不能傳
到今日口上著來無等四洞庭山脚太湖心行人路上
空啾啾

洞山价禪師僧問和尚尋常令學人行鳥道如何是鳥道
師云不逢一人云如何行師云直須足下無私去云祇如
鳥道莫便是本來面目師云閣黎為甚麼却顛倒云甚麼
處是學人顛倒處師云若不顛倒為甚麼却認教作師云
如何是本來面目師云不行鳥道

丹霞溈頌云古路條然倚太虛行玄猶是涉嶮嶮不登
鳥道雖為妙點檢將來已觸途

神山密禪師與洞山過獨木橋洞山先過了拈起木橋云
過來師云你閣黎洞山乃放下木橋

丹霞溈頌云平地無端鑿陷坑木橋拈起使人行
寒水如何渡月夜金雞報五更

乾峰僧問十方薄伽梵一路涅槃門未審路頭在甚麼處
師以拄杖劃云在這裏僧後請益雲門門拈起扇子云
子跨跳上三十三天繫著帝釋鼻孔東海鯉魚打一棒兩
似盆傾會麼會麼

雪竇顯代僧唱曾有僧請益長慶慶云問取堂中第二
座雪竇代僧云錯尋有僧問雪竇竇云隨拈落墮又自
代云作賊人心虛黃龍南云乾峰一期指路曲為初
機雲門乃通其變故使後人不倦木瀉秀云今古盡
道乾峰安著祖師之堂開後人之徑路殊不知乾峰老
漢被這僧一問直得手忙脚亂諸德且道請託在甚處

良久云不在水兮不在山只在人心返覆間東林總
云有古德道乾峯搖頭雲門擺尾這僧只是箇撞鐘
柱漢脚跟下透過也不知便謂東家點燈西家暗坐龍
嶺海寶送魚不顧山僧今日不可也隨波逐浪臨危悚
入殊不知大小乾峯雲門俱被這僧勘破且道甚麼更
是勘破勳良久云多時雨水不及驪浪
佛心才頃云樓閣重重擊不開乾峯劃破露崔嵬十方
佛剎全彰勳下一門中見善財天童覺云入手還將
死馬醫返魂香欲起君危二期抄出通身汗方信儂家
不惜肩敲山非云乾峯不用指陳雲門休打骨董自
然東海鯉魚尊者帝釋鼻孔徑山果云擔破雲門一
柄扇拗折乾峰一條杖二三千處管絃樓四五百條花

柳巷

鏡清付禪師僧問達者同遊一路行爲甚麼不行師云已
到平頭

翠巖代云老兄還達也未首山念代云不爭先又云

太到了不知又云但請先行

首山僧問如何是菩提路師云此去襄縣五里云向上事
如何師云來往不易

天投子青頌云問路窮途擬進程綠楊鶯語送行人牌標
五里向君說莫道當年不指陳

茶陵郁山主不曾行脚因廬山有化士至論及宗門中事
教令看僧問法燈百尺竿頭如何進步燈云啞兀三年下
日乘驢度橋一踏橋板而墮忽然大悟遂有頌云我有神

珠一顆又被塵勞封鎖今朝塵盡光生照見山河萬象因此更不遊方

白雲端頌云百尺竿頭曾進步溪橋下路沒山河從茲不出茶川上吟嘯無非羅哩囉

天衣懷禪師云九夫雲路早須尋莫道蹉跎歲月深天地懸遠向甚麼處去

南堂靜頌云夏金烏似火當空掛最高峯掛在青雲裏法昌遇禪師問石門鼻云近離甚麼處云石門師云我聞石門路險水泄不通因甚到這裏云十里雙牌五里單埃

師云途中事作麼生云到處行秋色時時聽水聲師云來時水牯牛在甚麼處云師有入看師云鼻索為甚麼在法昌手裏鼻云這老漢瞞却多少人隨後打一坐具師云二

十年撈龍打鳳今日被鼠咬

雲頂禪師僧問昔日相如題柱未是作家今日橋成請師下筆師云彩氣夜常動精靈日少逢云荆山有玉鑑在下和師云洪州斬冬瓜滿江皆是血

趙州論禪師在南泉時下日在井樓上打水見泉過乃抱定柱懸一脚云相救相救泉遂於踏梯上打一云一二三四

五師便下樓具威儀上方丈云適來謝和尚相救佛鑑勸云下人將錯就錯下人看樓打樓然雖如是下

為父隱直在其中

四禪禪師僧問古人有請不背今請和尚入井還去也無師云深深無別源飲者消諸渴

丹霞溥頌云曹溪源流古之今意識徒將度淺深好是

昔人遊戲，處然雖入井，不為沈。

禪林類聚卷第四

祖教

問法

本祖大師因僧問黃梅意旨甚麼人得師云會佛法人得云和尚還得不師云我不得云和尚為甚麼不得師云我不會佛法汾陽昭代云方知密旨難傳翠巖芝云會得一頭不會得三首作麼生道得出身之路白雲端云大眾還識祖師麼徑山果云大眾還見祖師麼若也不見徑山為你指出蕉芭蕉芭有葉無了忽然一陣狂風起恰似東京大相國寺裏三十六院東廊下北角頭王和尚破袈裟畢竟如何歸堂喫茶佛性泰云破布裏真珠識者方知是寶爛泥藏棘刺踏著方乃驚人諸人還見祖師麼倒騎白額虎突出眾人前

佛印元頌云當日黃梅傳意旨會佛法人如竹葉鱗龍頭角盡成空盧老無能較些子

馬祖一禪師僧問離四句絕百非請師直指西來意師云我今日勞倦不能為汝說問取智藏去僧乃問藏藏云何不問和尚云和尚教來問藏云我今日頭痛不能為汝說去問取海兄僧遂問海海云我到這裏却不會僧舉似師師云藏頭白海頭黑

瀉山詰云這僧與麼問馬師與麼答離四句絕百非智藏海兄都不知會麼不見道馬駒踏殺天下人五祖演云馬大師無著慚惶處只道得箇藏頭白海頭黑這僧將一擔朦朧換得箇不會若也眼似流星多少人失錢遭罪佛眼遠云大眾說白道黑理甚分明諸人還

見馬大師廢久立也太無端。文殊道云馬師言中有響這僧眼裏無筋西堂百丈同坑無異土。休樣畫葫蘆只如馬大師道藏頭白海頭黑又作麼生。片雲橫谷口迷却幾人源。
雪竇顯頌云藏頭白海頭黑明眼衲僧會不得馬駒踏殺天下人臨濟未是白拈賊離四句絕白非天上人間唯我知。南華曷云四句百非皆杜絕陽春白雪唱彌不高風清月皎無雲夜誰把吹毛換寶刀。照覺總云百非四句絕何言黑白分明定正偏獅子窟中無異獸驪龍行颺浪滔天。佛鑑勸云湘靈二女神倦格笑倚朱門香陌附一抹臘脂透臉紅更加十分天真色。圓覺演云百非四句絕疎親馬駒踏殺天下人藏頭白兮海

頭黑門外金剛笑又真。

水潦禪師問馬祖如何是西來的的意祖乃當曾一踏踏倒師忽契悟起來拊掌大笑云也太奇也太奇百十三弄無量妙義只向一毛頭上便下時識得根源去遂乃作禮而退。
廣格 小異

琅琊覺云大衆你道水潦還曾悟也未。禾童覺云馬

木師不合教過待伊起來恁麼道但問紙這一毫從甚麼處得來待伊擬議更與一踏。西禪需云大小水潦喫人拳踢了却道他悟悟甚麼屎及乎起來更不識甚猶道我向一毫頭上識得根源且其捏目生花任山後告衆云自從一喫馬師踏直至如今笑不休且道笑箇甚麼。塗毒集云諸方咸云瘡病不假驢駝藥風流不

在著衣多殊不知水潦錯喫巴豆吐得許多惡毒方盡
若是禪全未夢見具眼者試甄別看

照覺總頌云水潦承機徹祖意馬駒一踏曉根源虛空

撲落無閑地却向滄溟駕鐵船白雲端云一踏倒時

堪大笑從前伎倆盡徒勞蛇頭却要重措痒萬萬千千

出一毫是古佛云海上海道奔天馬駒偶來騰踏露全

軀百千妙義毫端現拊掌呵呵笑識渠野軒遺云馬

駒一踏驢兒倒地大笑起來羊鳴大吠

趙州論禪師僧問如何是祖師西來意師云庭前柏樹子

云和尚莫將境示人師云我不將境示人云如何是祖師

西來意師云庭前柏樹子

慈明圓頌云趙州庭前柏樹子天下走禪客養子莫教大

了作家賊浮山遠云庭前柏樹趙州道廬陵米價言

陽數三歲兒童皆念得小十翁翁會也無雲峯悅云

入門何必辨來機老倒禪和不自知柏樹庭前剛指示

番令平地斜針重寶顯云七百甲子老禪和安貼

家邦若是他久問西來指庭柏却令天下動干戈黃

龍南云趙州有語庭前柏禪者相傳古到今摘葉尋枝

雖有解頌知獨樹不成林天衣懷云趙州庭前柏三

冬拈地寒處處綠楊堪繫馬家家門首透長安翠巖

真云僧問西來意趙州柏樹酬皮下若有血官差不自

由湛堂准云庭前柏樹子少悟出常情雨過山添翠

雲收日月明堯率悅云趙州全不犯工夫觀面寧存

細與龜重疊示君君不見庭前柏樹本來無

釋林一
六十一

趙州僧問如何是祖師西來意師云欄中失却牛或作龍雲
慈雲圓照頌云欄中失却牛有問即有訛更若求玄妙
獼猴築氣趣

趙州僧問如何是祖師西來意師云板齒生毛

投子青頌云九年少室自虛淹爭似當頭一句傳板齒

生毛猶可事石人踏破謝家船

靈樹敏禪師僧問如何是祖師西來意師默然後遷化欲

立行狀碑要選此語刻石時雲門為首座僧問先師默然

趣如何上碑雲門代云師

白雲端頌云師之一字太巍巍獨向寰中定是非必竟

水須朝海去到頭雲定覓山歸佛印元云靈樹當初

密對揚暗中文彩已全彰後人不見雲門老一字千般

亂度量是古佛云師字相酬作者知韶陽千古特光

輝法光字宙人無數到底誰明一字師寶峯明云西

來祖意若為酬手把明珠已暗投却被雲門添一字致

令千古鬧啾啾

龍牙道禪師僧問如何是祖師西來意師云待石鳥龜解

語即向汝道云石鳥龜解語也師云向汝道甚麼僧無對

保寧勇代云和尚也須忌口始得

投子青頌云石龜語語是誰聞無耳觸巖夜聽深天曉

便藏無影樹太陽雖照不能尋

龍牙初參翠微師乃問云如何是祖師西來意翠微云與

我過禪板來師過與微微接得便打師云打則任打要且

無祖師意又參臨濟亦如是問濟云與我過蒲團來師過

與齊濟接得便打師云打即任打要且無祖師意師後住
 山有僧問和尚當年問一尊宿祖師意明也未師云明則
 明已要且無祖師意廣略先
 五祖戒云祖師土宿臨頭又云和尚得與麼面長雪
 寶顯云臨濟裴微只解放不解取我當時若作龍牙待
 伊索蒲團禪板拈得臂骨便擲翠巖之云當初如是
 今時袖僧皮下還有血麼木瀉詰云翠微臨濟可謂
 本分宗師龍牙一等是撥草瞻風與他後人為龜為鑑
 又舉住山後僧問處乃云龍牙瞻前顧後應病與藥木
 渴則不然待問當時一尊宿明不明臂脊便捧非唯扶
 豎翠微臨濟乃不辜他來問石門聰云龍牙無人揆
 著猶可纔被箇衲子揆著失却一隻眼

聖寶顯頌云龍牙山裏龍無眼死水何曾振古風禪板
 蒲團不能用以應分付與盧公盧公付了亦何憑坐倚
 休將繼祖燈堪對暮雲歸未合遠山無限碧層層佛
 性泰云子鄉不下單干拜始未常導漢帝儀雪後乃知
 松栢操事難方見丈夫兒天童覺云蒲團禪板對龍
 牙何事當機不作家本意成禱明月下恐將流落在天
 涯虛空那掛劍星漢却浮槎不萌草解藏香象無底蘆
 能著活此今日江湖何障礙通方津渡有船車
 龍牙問洞山如何是祖師西來意山云待洞水逆流即向
 汝道師從此悟音
 汾陽昭頌云龍牙未息狂心地遍問諸師不答休先達
 慙他親志切直言洞水逆流投子青云古源無水

月何生滿岸西流一泓分葱嶺罷詢熊耳夢雪庭休話
少林春

王聖然禪師僧問如何是祖師西來意師云臭肉來蠅僧
舉似興化化云我即不與廢僧云如何是祖師西來意化
云破驢脊上足蒼蠅

正覺追頌云水母有骨靈龜無殼瞎驢臭肉來於蠅佛
意祖意如山嶽印雲端云破蒼蠅多臭肉蠅誰知興

化不徒行慣從五鳳樓前過手搥金鐺賀太平黃蘗
勝云匝地風光無間遠因何不信却生疑老婆為君重

指出臭肉團上青蠅飛

投子大同禪師遇翠微於法堂上行便問西來意昔和尚
如何示人微顧視之小頃師云乞師垂示微云更要第一

杓惡水那師便禮拜微云莫塚却時至根苗自生或作來

本覺一頌云曾把西來問翠微經行駐步太慈悲當持

投子如能會惡水重將更潑誰

枝請師直指云春風一陣來滿地紅英落木衆作聚生

會且各自歸堂去

仰山湧禪師僧問曹溪意旨如何師云一鏢入寒空

投子青頌云重峯層仞掛寒空塔鏢深雲勢莫窮千古

松聲來有韻萬年溪水去無蹤

荷玉慧禪師僧問如何是西來的意師云不禮拜更待

何時

海那霞潭頌云虛堂寂寂夜深寒攜得瑤琴月下彈不是
知音徒側耳悲風流水豈相干

容山緣禪師僧問如何是祖師西來意師云半夜烏兒頭
戴雪天明啞子拖頭歸

丹霞溥頌云瑞霧祥煙鎖玉樓妙年王子恣優遊琉璃
殿上騎金馬明月堂前觀繡毼

雲門偃禪師僧問如何是祖師西來意師云日裏看山

智門祿頌云日裡看山也是常西來祖意護商皇金色

獅子希逢有多是狐狸喚作狼無為子云日裏看山

滿眼青千巖萬壑闔縱橫洞門疑是雲遊斷到者須知

路坦平三祖宋云匡真不惜兩莖眉日裏看山對祖

機騰月火燒春又綠只宜飛走會相依佛鑑勸云兩

餘江上兩一峯堆疊煙嵐不記重眼裏看來端的聽耳

根聞處出天聰投子書云坦然曾問老師安爭似龍

陽下句傳日裏華山偃掌露夜深猿叫月當軒

雲門僧問如何是一代時教師云對一說

雪竇顯頌云對一說太孤絕無孔鐵鎚重下楔閣浮樹

下笑呵呵昨夜驪龍拗角折別別韶陽老人得一概

五祖演云對一說卷盡五千四十八風花雪月任流傳

金剛腦後添生鐵佛性泰云對一說五教二乘盡該

攝龍宮海藏任縱橫水底泥牛吞却月

洛浦安禪師僧問如何是祖師西來意師云青嵐覆更出

岫藏室白月輝時碧潭無影

丹霞溥頌云群花未發梅先折萬木凋零柏轉奇雲淡

不彰節月影煙輕那露引風枝

洛浦僧問如何是祖師西來意師以拂子擊繩床云會麼

云不會師云天上忽雷驚宇宙井底蝦蟆不舉頭
洛浦僧問祖意教意是同是別師云日月並輪輝誰言別
有路云恁麼則顯晦殊途事非一揆師云但自不忙奈何
須泣岐路

丹霞溥頌云月飾松影高低樹日照池心上下天赫赫
炎空非卓午團團秋夜不知圓

即大行受記之緣亦就矣厥後衆紛不備果如所記

梁山觀禪師僧問如何是祖師西來意師云莫亂道

投子青頌云國令嚴嚴擬者危毫釐纜動鐵輪隨心萌

口應三千里齒露言來苦怨誰

梁山僧問祖意教意是同是別師云金烏東上入皆貴玉
兔西沈佛祖迷

丹霞溥頌云靈山會上言雖曾少室峯前向未形瑞草
蒙茸含月秀寒松蒼鬱出雲青

巴陵鑑禪師僧問祖意教意是同是別師云雞寒上樹鴨
寒下水

五祖演云木小巴陵只道得一半白雲即不然柳水月
在手弄花香滿衣松源岳云白雲盡力道只道得八
成有問靈隱只向他道人我無明一串穿

保寧勇頌云昨夜三更岳指輪世間休說兩三人數拳
着笛離亭晚君向瀟湘我向秦投子青云同別祖教
問端由使將元價與他酬絲綸夜靜人垂釣曉得金烏
帶月收湛堂準云雞寒上樹鴨寒下水時節不相鏡
古今自然理寒松十里吼清風流水下溪聲未已

香林遠禪師僧問如何是祖師西來意師云坐久成勞
重實顯頌云一箇兩箇千萬箇膝却龍頭卸角獸立轉
右轉隨後來紫湖受打刺鐵磨野軒連云香林無雜
木一一是旃檀野火忽然發清風天地寬祖意報爾曹
坐久自成勞

光孝鐵蒲覺禪師至法眼處眼問近離甚處師云趙州眼
云承聞趙州有栢樹子語是不師云無眼云徃徃皆謂僧
問如何是祖師西來意趙州云庭前栢樹子上座何得道
無師云先師實無此語和尚莫謬先師好眼云真獅子兒
白雲端頌云新羅鷄子刺天飛鉗鳥籬邊悻不丟趙州
庭栢一何高誰道先師無此語鴻山秀云僧問西來
栢樹語何必斯言謬趙州今人長憶清源老一白當年

喚轉頭

正覺逸云日炎風吹瘦影孤趙州嘗指庭前

株甚元太小清涼老味會先師此語無大洪遂云趙

州無語幾人知江北江南見者稀山寺桃花復何在相

逢空愛白公詩佛印无云庭前栢樹子趙州無此語

承言須會宗勿自立規矩真淨文云庭前栢樹子趙

州無此語若是本色人直下未相許

石門徹禪師僧問如何是三乘教外別傳一白師云東村

王老夜燒錢

洞山聰頌云東村王老夜燒錢草鞋踏地帽指天家無

白澤招禍福窮時相火餓相煎地藏恩云東村王老

夜燒錢眼中塵霧口中煙招神引鬼成妖怪三脚蝦蟇

飛上天上方益云東村王老夜燒錢野鬼閉神滿目

前二休更逢人一覓玄旨謝家人不在漁船二無為子云三乘教外別流傳一瞻漢多知喚作禪二天下一衲僧參不到東村王老夜燒錢一

香山念禪師僧問如何是禪師西來意師云風吹日炎二

汾陽昭頌云日炎風吹不計年行人塵路辨應難二擬心

早已深三尺更教誰問箇中玄一法華舉云風吹日炎

少入知頂仰先賢對此機二鏡君曠劫生前會一穿耳胡僧也皺眉二裴巖真云日炎風吹問祖來一紅塵且野眼難

擡二忙忙役役知多少一二月春深動地雷二王祖宗云月

炎風吹也大奇根鏘足馬將家兒二皇圖自古元無事一撥

動煙塵更是誰一雲溪叢云日炎風吹當路頭二衲僧見

後莫遲留我今到此堪惆悵二蕪落花紅經幾秋一

汾陽昭禪師僧問如何是禪師西來意師云青絹扇子足

風涼

白雲端頌云青絹扇子足風涼二親得搖來始息狂一只愛

團團無縫者人前空自眼如羊一正覺逸云叢林傑出

鎮汾陽譽走名馳二振八方人問西來禪師意一解云扇子

足風涼一上方益云汾陽青扇價難酬二為有涼風辛未

休不見鹽官多少衆二競頭爭角覓犀牛一蘇受深云青

絹扇子足風涼一日用何曾有覆藏二堪笑塵中無限客一手

遮西日汗如湯一楚安方云親得搖來始息狂二風動荷

花滿坐香自從一得真歸趣二無意涼人人自涼一

浮山遠禪師僧問如何是祖師西來意師云平地起骨堆二

海印徒頌云平地起骨堆一三春震地雷二只聞千萬去一

見一人回。地藏恩云平地起骨堆。金毛獅子吼誰知。
無味談塞斷衆人口。投子青云嫩草跡斜徑。山泉帶
碧流。文曾要渭水。烈士耻莊周。天寧璉云太朴味分
時。濕然成一片。明暗不曾乾。已過新羅箭。
南臺動禪師僧問如何是祖師西來意。師云一寸龜毛重
七斤。
投子青頌云等閑不語未逢人。語便傷直似太親。不顧
火中鸞鳳息。驚他石虎暗生瞋。
鐘山章禪師僧問如何是祖師西來意。師云不東不西。
保寧勇頌云西來相意不東西。猿鳥春深抱樹啼。多少
行人空悵望。青山孤聳白雲低。
三祖宗禪師僧問祖意西來願。垂開示。師云泥牛吞巨浪。

云中下之機如何。體究師云木馬踐紅塵。云恁麼則法
再轉。祖道重光師云上。加泥。

問法

清原思禪師僧問如何是佛法。大意師云廬陵米作麼價。
沙陽昭頌云出家學道未心開。請問宗師大意來。却問
廬陵米幾價。當時心境一齋死。黃龍南云廬陵米價
逐年新道聽。虛傳未必真。大意不須歧路問。高低且見
本來人。法昌通云烏龜三眼赤。祥麟一角尖。騰雲生
暮雨。溪月夜明簾。高庵悟云老清原沒縫罅。問佛法
酬米價。衲僧一粒若沾唇。拄杖橫擔繞天下。天童覺
云太平治業無象野老。家風至淳。只管村歌社舞。那知
華德走位。

無著禪師因往五臺禮文殊文殊問近離甚處師云南方
殊云南方佛法如何住持師云未法比丘少奉戒律殊云
多少衆師云或三百或五百師却問此間佛法如何住持
殊云龍蛇混雜九聖同居師云多少衆殊云前三三後三
三師退乃問童子適求太聖道前三三後三三是多少童
子云太德師應諾子云是多少
汾陽昭代云識得你 翠巖老云文殊道前三三後三
三作麼生會要會麼千年無景樹今時沒底靴 徑山
果云徑山當時若見即回他道和尚如此住持極是不
真
雪竇顯頌云千峯盤屈色如藍誰謂文殊是對談 崔笑
清涼多少衆前三三與後三三 正覺通云前後三三

問若千應機召發轉賴賴如今大有如斯者負鉢腰囊
到處博 佛印无云堪笑前三與後三當時相坐 語南
喃却因無著分明見從此清涼沒可參 照覺總云聖
者由來不可陪相逢相問豈安排三三前後輝今古一
向無私振九垓 雲溪棊云文殊前後各二三獨泛輕
舟過海南洪浪波心看水勢 輪明月印寒潭 地藏
恩云前三三與後三三筆數籌量卒未識芳草凄凄煙
景裏 鷓鴣啼 是江南
臨濟玄禪師因定上座問如何是佛法大意師下禪床
住打一掌便托開定佇立傍僧云定上座何不禮拜定
作禮忽然大悟
雪竇顯頌云斷際全機繼後蹤持來何必在從容巨靈

擡手無多子，分破華山千萬重。南華曷云一棒一條
痕，一搨一掌，血若無般苦，靈根到此如何打發。佛鑑
歎云：掣電之機，過趙州為人須到，結窮頭，掌中擊出香
山子，直上高高十二樓。天童覺云：不墮前後，獨超古
今，喚回千歲夢，飛出九臯會，直下一棧光，道散斬新驪
子出爐金。

趙州論禪師僧問：萬法歸一一歸何處。師云：我在青州作
一領布衫，重七斤。

圓悟勤云：摩醯三眼，一句洞明似海朝宗，千途合轍。雖
然如是，更有著在，忽有人問：蔣山萬法歸一一歸何
處。只向他道：饑來喫飯，困來眠。佛眼遠云：大眾至音，
絕韻妙曲，非聲通身不掛寸絲，赤體全無忌諱，諸人切

莫拈飽飯，指直須截斷舌頭，放下身心，自然快活。張若
不睡，諸夢自除，心若不異，復有何物。快活快活，歸堂喫
茶。

雪竇顯頌云：編辟魯挨，老古錘，七斤衫重幾人知。而今
拋向西湖裏，下載清風付與誰。白雲端云：七斤衫重，
豈難提，日出東方定落西。擊珊瑚枝，粉碎轟轟雷兩
滿山溪。保寧勇云：獨坐獨行，真竭斗無規，無矩老禪
和四方，八面難拘檢，天下誰能奈你何。文殊道云：趙
老布衫重七斤，問處分明，答處親大地，山河都蓋却，誰
是當機裁剪刀。普融平云：七斤衫重，絕纖埃，妙手何
人解剪裁。堪笑東村王大姐，滿身風雨入門來。
趙州僧問：方外忽有人問和尚說甚麼法，如何。祇對師云：

鹽貴米賤

西禪需頌云鹽貴米賤諸事成現擬欲商臚勝後投箭
洛浦安禪師僧問如何是佛法大意師云雪覆孤峯峯不
白雨滴石笋笋須生

丹霞溥頌云海底龍吟雲雨潤林中虎嘯谷風清真言
滿路生荆棘况是貧家少送迎
長慶稜禪師問靈雲如何是佛法大意雲云驢事未了馬
事到來

汾陽昭頌云靈雲因問出家水驢使前行馬使來長慶
不明真實地向中認影影難開予今報你諸禪信九衢
杲日照香街
保寧勇云東行不見西行利南頭買賤
北賣貴橫千豎百算河沙九九翻成八十一
佛鑑勸

云驢事未了馬事來鐘聲未了鼓聲催春來縱步林間

看無限桃花夾李開無為子云驢事未了馬事來一

花欲謝一花開安南已得煙塵息塞北將軍唱凱回

鼎州文殊禪師僧問萬法歸一一歸何處師云黃河九曲

投子青頌云問法窮因歸何處黃河透過碧波瀾須知

雲外千峯上別有靈松帶露寒西禪需云路窮崖斷

進無門賴有山翁指去原九曲黃河清徹底誰知別是

一乾坤木庵云九曲那容眨眼看操舟誰解別波瀾

文殊曾展田天手直得朝宗萬派乾

首山念禪師僧問如何是佛法大意師云楚王城畔汝水

東流其情於此悟入

佛慧泉頌云楚王城畔水東流遂浪隨波早晚休唯有

謝郎生計在夜深明月上孤舟
三祖宗云楚國成邊
水去東發船便被打頭風
蘆花響裏聽漁唱
巖斗煎茶
鉢不同
雲溪茶云楚王城畔水東流
日夜波濤去不
休巖下忽逢湘水客
謂言依舊注悠悠
瀉山秀云楚
王城畔水東流
今古朝宗只到頭
逐浪隨波如未息
輪
他漁父泛孤舟
普融乎云千波萬波曾無盡
去業來
帆浩莫窮
謝客睡惺孤月白
閑吹一笛渡頭風
蔡明圓禪師僧問如何是佛法大意
師云洞庭湖水浪滔
天
翠巖真頌云水出高原上
風翻浪作銀絲毫
聊一道夢
裏說書紳
水庵十一云洞庭湖水若為窮
南北東西浩
浩風鸞鳳翱翔非鸞雀
野由深處謾尋蹤

禪林類聚卷第五

說法
禪定
大道

世尊一日陞座大衆集定
文殊白槌云諦觀法王法
法王法王法王
法如是世尊便下座
芭蕉徹云忙忙者而地普天
松源岳豎起拂子云世
尊三昧文殊三昧總在拂子頭上
諸人還見麼
卧龍纜
奮迅丹鳳便翱翔
明招謙頌云聲振大千
龍虎伏無人解和法王才
言下
便明猶是鈍頌教千眼
一時開
智門祚云文殊白槌
裁衆知法王法令合如斯
會中若有僊隨安不待眉間

毫相輝。雪竇顯云列聖叢中作者知法王法令不如
斯會中若有僊陀客何必文殊下一槌。海印信云未
北之前早二三白槌之後更那堪當時若有僊陀客不
到如今疆指南。地藏恩云諦觀法王法法王法如是
玉輪影射珊瑚枝一陣清風動天地。南華集云瞿曇
按指文殊據令漏泄天機一槌打正。天童覺云一段
真風見也麼綿綿化母理機梭織成古錦含春像無奈
東君漏泄何。楚安方云金槌影動寶劍光寒八萬之
衆齋著眼者。

馬祖一禪師一日陞堂百丈出卷却席師下座便歸方丈
次問百丈我適來上堂未曾說話你爲甚便卷却席子丈
云昨日被和尚捏得鼻頭痛師云爾昨日向甚處留心丈

云今日鼻頭又不痛也師云你深知今日事百丈乃作禮
而退。廣燈小異

雪竇顯云諸方皆謂奇特消麼舉還當麼若當譬如水
母以蝦爲目若不當又空讚歎圖箇甚麼衆中一般漢
亂踏向前問古人意肯如何更有老底不識好惡對云
將謂僊陀客又云來日更到座前苦哉苦哉如此自稱
宗匠欲開人天眼目驢年去諸上座雪竇當時若見伊
出來卷席劈曾與一踏令坐者倒者俱起不得且要後
人別有生涯去免見互相鈍置豈不箇箇英靈底漢還
會也無歸堂。白雲端出馬祖語云我鈍置猶可你鈍
置太煞。

汾陽昭頌云百丈當時侍馬師對師卷席更無私人天

不測為音特恰是攢鴉捉鳳兒上土警然全體現太陽
出照嶽峰低泉大道云陞堂馬祖卷席百丈得人半
斤還他八兩直饒縫罽全無未免傍觀拊掌白雲端
云昨日東風偶然惡桃花亂落如紅雨昨夜東風又發
狂滿地不知何處去上方益云夜深認得歸時路不
待天明便出關三尺鎖鑰橫在手至今坐斷大雄山
佛鑑勸云潮來潮子上潮頭手把紅旗逆水流忽被猛
風吹退浪此時伎倆一時休
藥山儂禪師久不陞堂一日院主請云大眾久思和尚示
誨師云打鐘著主聲鐘衆集師便歸方丈主隨後云和尚
既許為衆說法為甚一言不施師云經有經師論有論師
又爭恠得老僧

雪竇顯云可惜藥山老漢平地上喫撲盡大地人扶不
起琅琊覺云藥山下座不妨疑著及乎院主拶著朱
却一雙眼翠巖芝云藥山下座院主當初恠不為說
話可謂誤他三策五祖演云雖然以已妨人爭奈賊
身已露諸人要識藥山麼閑持經卷倚松立笑問客從
何處來
天童覺頌云癡兒刻意止啼錢良駒追風顧影鞭雲掃
長空巢月鶴寒清入骨不成眠野軒進云藥山老應
病藥請上堂槌鐘著一丸不再愈顛狂辜負金僂揲骨
方慈受深云明珠一顆價難酬不是知音便暗投翻
笑藥山空費力水清魚現不吞鈎
趙州諗禪師一日在東司上見文遠過遂喚云文遠遠應

禪宗一
七十五

諾師云東司上不可與你說法

鼓山珪頌云老僧正在東司上不將佛法爲入誘一般
屎臭旃檀香父子之機俱漏泄 徑山泉云趙州有密
語文遠不覆藏演出大藏教功德實難量

投子大同禪師僧問三身中那身說法師乃彈指

投子青頌云三身說法問端由彈指輕輕海嶽收金鎖
塔開紅日像夜深人笑碧峯頭

洞山俗禪師僧問三身中阿那身說法師云吾常於此切
僧後問曹山洞山道吾常於此切意旨如何曹山云要頭
便砍將去又問雪峯峰以拄杖劈口打云我也曾到洞山
來

承天宗云一轉語海晏河清一轉語風高月冷一轉語

騎賊馬趕賊試請辨看忽有箇衲僧出來道總不恁麼
也許他具一隻眼

保寧勇頌云此切堪傷向外求至親何故似怨讎始終
滿面無慚色更有曹山乞休頭 天童覺云不入世未
循緣劫盡空處有家傳白蘋風細秋江暮古岸船歸一
帶煙

夾山會禪師示衆云目前無法意在目前不是目前法非
耳目之所到

雪竇顯拈起拄杖云夾山老甚處去也何不出來百草
頭與大衆相見又卓地下云在這裏後云啞者野狐
精縮頭去便下座 天童覺云夾山老子解開布袋將
差珍異寶撒向諸人面前了也正當恁麼時却作麼生

路不拾遺君子稱美

鼓山珪頌云年來萬事總成癡老去閑添白髮多道泰
不傳天子令時清休唱太平歌徑山果云癡人面前
休說夢生鐵圍上須尋縫明明說與却作聾只管外邊
閑打閑

仰山寂禪師嘗云夢見往彌勒所五百聖堂安第二座有
一尊者白椎云今當第一座說法山僧乃起白椎云摩訶
演法離四句絕百非諦聽諦聽其五百聖眾各自散去
大鴻秀云仰山依文解義即不無忽然彌勒會中有箇
作者纔見伊道摩訶演法便云合取兩片皮非唯止絕
仰山寐語亦免使後人夢中說夢琅琊覺云且道五
百聖眾散去是肯他仰山是不肯他仰山若肯他仰山

又辜負仰山若不肯仰山猶如平地上喫交山僧今日
不惜兩莖眉毛與諸人註破摩訶演法離四句絕百非
你若舉似諸方諸方若與麼會入地獄如箭射
天童覺頌云夢中擁衲參著薄列聖森森坐其右當仁
不讓捷穉鳴說法無畏獅子吼心安如海膽量如斗鉸
日淚流蚌腸珠剖謔語誰知泄我機犀眉應笑揚家醜
離四句絕百非馬師父子病休醫

汾陽昭禪師示眾云夫說法者須具十智同真若不具十
智同真邪正不辨縞素不分不能與人天為眼目決斷是
非如鳥飛空而翼折如箭射的而斷弦弦斷故射的不中
翼折故空不可飛弦壯翼舉空的俱微作麼生是十智同
真與諸上座點出一同一贊一同一同大事三總同參四同真

智五同徧普六同具足七同得失八同生殺九同音吼十同得入又與甚麼人同得入與誰同音吼作麼生同生殺甚物同得失阿那箇同具足是甚麼同徧普何人同真智孰能總同參那箇同大事何物同一質莫有默得出底麼默得出底不恪慈悲默不出底未有參學眼在切須辨取要識是非面目見在

徑山果云汾陽未後若無箇面目見在下場敗闕雖然如是喪我兒孫乃喝下喝復頌云兔角龜毛眼裏鐵山當面勢崔嵬東西南北無門入曠劫無明當下灰覺範洪頌云十智同真面目全於中一智是根源若人要識汾陽老譬破三玄作兩邊或庵云陽春白雪人難和凍鐵冰壺豈易觀一把柳絲收不得和風搭在玉

闌干鼓山珪云十年湖海竟冤讎不待冤讎未正堂辯云畫得芍藥花開菩薩面椶櫚葉散夜叉頭正堂辯云畫得真如活花間試展開黃鸝偷眼覷不敢下枝來

禪定

世尊因普眼菩薩欲見普賢不能得見乃至三度入定徧觀三千大千世界竟普賢不能得見而來白佛佛云汝但於靜三昧中起一念便見普賢普眼於是纔起一念便見普賢向空中乘六牙白象

翠巖云諸仁者作麼生會普眼推倒世尊世尊推倒普眼你且道普賢在甚麼處或作雲居佛海遠頌云飄飄一鴈落寒空步步追空竟鴈蹤踏破草鞋跟子斷巍然獨坐大雉峰

達磨大師自梁涉魏至洛陽少林面壁而坐經於九年方得一祖傳法

老宿云祖師九年面壁為訪知音若恁麼會得喫鐵棒有自在又有老宿云祖師九年面壁何不慚惶若恁麼會得更買草鞋行脚三十年

琅琊覺云既不然且道祖師面壁意作麼生良久云欲得不招無間業莫謗如來正法輪

白雲端頌云先被梁王勘破却向少林孤坐謾言教外別傳爭奈不識這箇草堂清云六宗調伏向東來五

葉芬芳震且開冷坐九年人不識手攜隻履又空回太平古云航海梯山緣底事遊梁歷魏意何傳九年面壁垂慈切剛被時人喚作禪是古佛云九年熊耳空

留隻履一花五葉春風四起祖印明云精進翻成念

墮莫守癡禪兀坐少林面壁九年已被梁王勘破踈

山如云達磨西來未足誇少林捏目疆生花得皮得髓徒分別妙性圓明本不差

魯祖雲禪師尋常見僧來便面壁南泉聞乃云我尋常向師僧道佛未出世時會取尚不得一箇半箇他恁麼驢年去

保福展問長慶稜云只如魯祖節文在甚處被南泉恁麼道稜云退已讓人萬中無一羅山閑云陳老師當

時若見背上與五火抄何故為伊解放不解取玄沙云我當時若見也與五火抄雲居錫云羅山玄沙總

與麼道為復一般別有道理若擇得出許上座佛法有

弄處 玄覺云南泉為復是唱和語不肯語 姜叢之
云我即不然未具胞胎已前不得會會即打折你腰
天童覺云魯祖法出好生南泉令下詎起天童不是檢
點古人也要諸人体悉還會麼竿頭絲線從君弄不犯
清波意自殊 木慧云魯祖不得南泉幾乎覷破壁
理瑯覺頌云祖師面壁播諸方無限禪人謾度量無事
晚來江上立數株寒栢倚斜陽 梁山冀云魯祖三昧
最省力纔見僧來使面壁若是同心達道者不在揚眉
便相悉 黃龍新云魯祖當年不用功逢僧面壁顯家
風若遇上乘同道者請就此 草堂清云堪笑池陽老
古維僧來面壁擬何為大都端正人男女清淨不勞紅
粉施 普融平云魯祖山前古路通樵徑一徑沒西東

杜鵑聲裏春光老零落桃花藉地紅

藥山儼禪師初參石頭和尚一日坐次頭問作甚麼師云
一物不為頭云恁麼即閑坐也師云若閑坐即為也頭云
汝道不為箇甚麼師云千聖亦不識頭乃作頌讚云從
來共住不知名任運相將只麼行自古上賢猶不識造汝
九流豈可明

五祖戒云藥山夢中說夢兩重童

丹霞溥頌云玄微及盡本儵然若謂渠開萬八千月印
澄江魚不見釣人何必更拋竿 五祖演云任運不知
名輕輕著眼聽水上青青綠元來是浮萍 圓悟勸云
擺撥佛祖縛曠然繩墨外一物亦不為縱橫得自在古
鑑臨臺明辨去來金鉗影動鐵樹花開任運相將不可

陪法雲隨處作風雷。隱靜儼云石頭打草要蛇驚。密護玄機絕彙情。迅白追風須辨的。報云千聖不知名。栢巖禪師僧問如何是禪師云古塚不為家。丹霞溥頌云故國清平又有年。白頭猶自戀生緣。牧童却解忘功業。懶放牛兒不把鞭。

悟道

世尊於雪山六載修行明星現時忽然大悟

世尊在日有一鈍根比丘無多聞性令誦首篇二字日夕誦之誦者忘篇誦常忘意每月尅責不休一日忽然誦首篇二字則大悟。四祖信大師為沙彌時禮三祖問云願和尚慈悲乞與解脫法。祖云誰縛汝師云無人縛。祖云何更求解脫乎。師

於言下大悟服勤九載乃付衣法任蘄州破頭山學徒雲集攝心不寐脇不至帶一日告眾云吾武德中遊廬山望破頭山見紫氣如蓋下有白氣橫分六道汝等會不眾默然弘忍云莫是和尙他後橫出一枝佛法不師云善唐太宗嘗師道三詔不起就賜紫服。

木庵求云有他祖師為人抽釘拔楔解黏去縛渾不傷鋒犯手可謂獅子一滴乳迸散十斛驢乳汝等切不可妄生情計種種解會驀然脚跟尋著不知落處一劔當頭直教成未

無為子頌云慈雲之塔大醫之師瞻之仰之雙峰巍巍懶融不得西天鉢直付黃梅路山兒草堂清云道出乾坤動至尊飛書三詔不離雲求入的嗣周家子遙望

牛頭紫氣氣。是古佛云無縛無釋。脇不至席。分明一
貫兩箇伍伯。佛國由云鳥外逢師。解縛歸雙峯山下
獨幽奇。却將衣鉢爲人事。乞與黃梅箇小兒。覺範洪
云。絕知名迹能妨道。正恐師承亦累人。問法沙彌莫
說。百年逆旅要同塵。栗巖因云。牛頭赤生梅子熟也。
說步人間池。成月下鳳書三。到懶開眸白蓮峯。頂光相
射。

盤山積禪師初參馬祖。作街坊。一日出門見人。昇喪謂郎
振鈴云。紅輪決定。況西去。未委禪靈往那方。幕下孝子哭
聲哀哀。師忽身心踴躍。省悟。歸舉似馬祖。祖印可之。
文殊道頌云。歌聲繚繞哭聲悲。笑殺盤山老古錘。歷劫
無明昏暗處。時頓覺發光輝。藥庵信云。哀哀相應。

便承當畢竟何嘗往。別方踊躍自然全體露。始知徧界
不曾藏。佛燈珣云。紅輪決定。沈西去。未委魂靈往那
方。踏著故鄉田地穩。本來面目是親娘。人只在。不曾云
率陞天上非人世。須知別有好思量。

盤山嘗於市肆行。見一客人買猪肉。語屠家云。精底割一
斤來。屠家放下刀叉手云。長史那箇是不精底。師於言下
大悟。

南華揭頌云。箇事分明不覆藏。頭頭物物自相當。十言
萬語無人會。又逐流鶯過短牆。

五洩默禪師到石頭處。去一言相契。即住。不契即去。頭據
坐。師便行。頭隨後召云。閣黎閣梨。師回首云。從生至死
祇是這箇。死頭轉腦。作麼師忽然契悟。乃拗折拄杖。

洞山云當時不是五洩先師大難承當然雖如是猶涉
途在長慶云險巖巖芝云石頭據坐五洩便去石
頭召他却成多事雲峯悅云本小石頭坐不定把不
住似這般警板漢放去便休又喚回被他塗糊下上道
我向這裏有箇悟處驢年夢見
佛眼遠頌云在途在舍若為酬莫把先師一例未雄雄
宇宙如王者未免半邊無獨體枯木成云欲去高聲
喚得回當時心眼一齊開要知不做修持力生死悠悠
任往來
香巖開禪師在瀉山時瀉山知其法器欲激發智光謂云
吾不問汝平生學解及經卷冊子上記得者汝未出胞胎
未辦東西持本分事試道一向來吾要記汝師懵然無對

沈吟久之進數語陳其所解山皆不許師云却請和尚為
說山云吾說得是吾之見解於汝眼自何有益乎師遂徧
檢所集諸方語句無一言可將酬對乃自歎云畫餅不可
充饑於是盡焚之云此生不學佛法也且作箇長行粥飯
僧免役心神遂辭去抵南陽觀忠國師遺跡遂憇止焉一
日因芟除草木以足藥擊竹作聲俄失笑問廓然惺悟遂
歸沐浴焚香造禮瀉山云和尚太慈悲恩逾父母當時若為
我說却何有今日事也仍述偈云一擊忘所知更不做修
治動容揚舌路不墮悄然機處處無蹤迹聲色外威儀諸
方達道者咸言上上機
雪竇宗頌云粥飯隨時養病軀本無迷悟可關渠無端
擊著庵前竹直至如今在半途

樓子禪師因從街市中過經酒樓下偶整襪帶少住聞樓上人唱曲云你既無心我便你忽然大悟從此號樓子出長慶巖禪師註楞嚴經說文

慈受深頌云唱歌樓上語風流你既無心我也你打著

於奴心裏事平生恩愛冷啾啾寶峰明云你既無心

我亦你此身無喜亦無憂飢來喫飯困來睡花落從教

逐水流佛慈鑑云你若無心我也你鴛鴦帳裡懶擡

頭家童為問深深意笑指紗牕月正秋

米胡禪師念僧問仰山今時人還假悟不山云悟即不無

判奈落在第二頭何師聞肯之

投子青天然仰山與麼道即得還免得自己落麼若免

得更有二人不肯在若免不得亦落第二頭米胡雖

然肯他自己還有出身之路也無諸人試點檢看若點

檢得出兩人互解冰消若點檢不出且莫造次

華云米胡提本分錘鎚仰山展劔刃上事一老於唱教

門中足可稱尊若向衲僧門下總是喫棒底漢

投子青頌云碧岫峯頭借問人指山窮處未安身雖然

免得重陽令爭似靈苗不犯春

天童覺云第三頭分

悟破迷快須撒手捨筌鼻功号未盡成拈拵智也難知

覺發臍兔老冰盤秋露泣鳥寒玉樹曉風凄持來大仰

辨真假痕玷渾無貴白珪佛眼遠云悟人千箇道無

夢肯信遭他第二頭寂寞山花寒食後夕陽西去水東

流

洞山价禪師先在雲巖問無情說法後辭去師猶涉疑因

過水觀影大悟前首作偈云切忌從他覓迢迢與我踈我
今獨自往處處得逢渠渠今正是我我今不是渠應須恁
麼會方得契如如

本覺十頌云動靜由來本與俱回頭羣面似逢渠直饒
與麼猶堪笑喚作如如又却透

雪峯存禪師同巖頭欽山到鷲山店上夜坐禪次頭云何
不睡法如村裏土地相似他時後日魔魅人家男女去在
師以手指曾云我這裏未穩在頭云我將謂你他後向孤
峰頂上盤結草庵播揚大教猶作這話在師云某甲不敢
自護頭云若實如此據你見處一一通來是處與你證明
不是處與你剗却師云我初到墮官見上堂舉色空義得
箇入處頭云此夫三十年切忌舉著師云又因洞山頌云

切忌隨他覓迢迢與我踈頭云若恁麼自救也未徹師云
後問德山從上宗乘中事學人還有分也無德山打一棒
云道甚麼此時如桶底脫相似頭喝云你不聞從門入者
不是家珍師云如何即是頭云他後若欲播揚大教一一
從自己曾襟流出將來與我蓋天蓋地師於言下大悟連
聲云師克今日始是鷲山成道師兄今日始是鷲山成道
教忠光云只如巖頭道一一從自己曾襟流出且道雪
峰前三次悟還從自己曾襟流出也無若從自己曾襟
流出又道未穩在若不從自己曾襟流出又從甚麼處
得來真有斷得出者麼若斷得出不唯雪峯鷲山成道
盡大地有情齊成正覺若斷不出說甚麼鷲山成道直
饒少室傳心也未夢見在

佛眼遠頌云：鷲山成道足人傳，真是從前話未圓。賴有
云沙知始末，徧身紅爛在漁船。枯木成云：說盡平生
去住，因到頭難遇赤心人。忽然自肯成家業，在磔拈求
也是珍。佛燈功云：丈夫凌勵志英雄，向外馳求枉用
功。到得鷲山開眼觀，方知屋裏用無窮。
大禪佛通禪師在歸宗，常禪師會下忽一夜，呼云：我大悟
也。眾駭之。次日歸宗上堂，集眾問：昨夜大悟者出來。師出
云：某甲。宗云：汝見箇甚處道理。言大悟。師云：師姑元是女
人，作宗默而異之。

汾陽昭頌云：倍來不在苦，多端解了都。由鷲爾間定道
師姑，女人作癡人，積塵作銀心。保寧勇去半夜高聲
似，少神箇中明白有，踈親如今隨例傳。其響也。道師如

是女人。大洪遂云：悟了還同未悟時，何須更說與人
知。賊賊敗露無藏處，便道師姑是女兒。草堂清云：五
月炎威當酷熱，涑背汗流無處說。匝地清風劈面來，大
禪眼裏重添屑。黃龍震云：童子學順，朱赤麁背，摸黑
若將白紙來，一點下不得。若下得，翻成紙上塗煙墨。
嚴陽尊者初參趙州，問：一物不將來時如何。州云：放下著。
師云：一物不將來，放下箇甚處。州云：與麼則擔取去。師於
言下大悟。後住山，有一蛇一虎，就手而食。

黃龍南頌云：一物不將來，有頭擔不起。言下忽知非，心
中無限喜。惡毒既忘懷，蛇虎爲知己。清風幾百竿，至今
猶未已。真淨文云：移高就下，縱威權解脫門。開信可
憐，不得空王真妙訣。動隨聲色被勾牽。佛眼遠云：盡

力放不下，著力擔不起，將謂一物無元，是自家底，見得自家底，心中大歡喜，自家業興，一舉九萬里。是古佛云：一物不將來，教渠放下，著，窮爾悟無生，活計俱拋却。天童覺云：不妨行細輪，先手自覺心，處愧撞頭，言破腰間斧柯爛，洗清凡骨共僊遊。

羅山閑禪師初謁石霜，問：起滅不停時，如何？霜云：直須寒灰枯木去，一念萬年去，函蓋乾坤去，絕清絕點去。師不契，復謁巖頭理，前問頭，喝云：是誰起滅？師於此大悟。

天童覺頌云：斫斷老葛藤，打破孤狸窠，豹披霧而變皮，龍乘雷而換骨，喘起滅紛紛，是何物。

法眼益禪師同修進，二禪師經過地藏，琛禪師，遇阻雪少，慧琛問：此行何之？師云：行脚去。琛云：作麼生？是行脚事，師

云：不知。藏云：不知最親切，師又同。三人舉肇論至：天地與我同根，處琛云：山河大地與你自已，是同是別？師云：同。琛堅兩指，熟視云：兩箇即便起去。師須臾啓行，琛問：送之，問云：上座尋常說，三界惟心，萬法唯識，乃指庭下片石云：且道，此石在心內，在心外？師云：在心內。琛云：行脚人著甚來由？安片石在心頭耶？師窘無以對，即求決擇。近一月餘日，呈見解說道理，琛云：佛法不忌麼？師云：某甲詞窮理絕也。琛云：若論佛法，一切見成，師於言下大悟。

天童覺頌云：而今飽參似當時，脫盡廉纖到不知，任短任長，休剪綴，隨高隨下，自平持，家門豐儉，臨時用，田地優游，信步移，三十年前行脚事，分明辜負一雙履。

護國澄禪師同，演化大師在湖南，報慈值慈，隆堂次，演化

出問如何是真如佛性慈云誰無化不契遂請益師師云
汝但問來化理前問師云誰有化於言下契悟乃云首座
或在衆或住持某甲誓終身相助後化亦繼師住護國
佛性泰頌云朝三暮四一何少暮四朝三何太多多少
未能知數量有無從此見殺訛不殺訛啞嚙嘔噁喇薩

婆訶

大道

南泉願禪師因趙州問如何是道師云平常心是道州云
還假趣向不師云擬向即乖州云不擬又爭知是道師云
道不屬知不屬不知知是妄覺不知是無記若真達不疑
之道猶如太虛廓然蕩豁豈可疆是非耶州於言下頓悟
云肯

松源岳云青天白日自悟箇甚麼吡吡吡驪珠擊碎蒼龍
窟

雲峯悅頌云平常心是道舉步入荒蕪翻嗟王老師到
底不能曉玉兔金烏任飛走佛鑑懃云欲識平常道
天真任自然行船宜舉棹走馬即加鞭若遇飢來飯還
應困即眠盡從緣所得所得亦非緣所得亦非緣當人
自了然雨中看皓月火裏汲清泉直立頭插地橫眠脚
指天應須與麼會方契祖師禪徑山果云勸君不用
苦勞神喚作平常轉不親冷淡全然沒滋味一回舉著
一回新鼓山珙云若謂平常心是道枝蔓向上更生
枝貼肉汗衫如脫了喚來眼上更安眉

藥山儼禪師僧問如何是道中至寶師云莫謂此云不謂

曲時如何師云傾國莫換

趙州諡禪師因南泉示衆云道非物外物外非道師乃問如何是物外道泉便打師棍住棒云已後莫錯打入去在泉云龍蛇易辨衲子難瞞擲下拄杖便歸方丈

雪竇顯云趙州如龍無角似蛇有足當時不曾盡法無民直須喫棒了趁出琅琊覺云不見道酒逢知己飲詩向會人吟老衲證云南泉垂釣四海只釣獐龍格外玄談爲尋知己趙州慣行棧道飽歷邊庭不苑寸刃海晏河清然雖如是且道一老相見還有優劣也無良久云若不登樓望焉知滄海深保寧勇頌云輾纏藏鋒入陣來畫時擒下眼睜開死生一決英雄士文武雙行將排木南堂靜云龍蛇能易

辨衲子最難瞞性淨秋空闊心清巨海寬天涯毫末見世界掌中觀萬法不爲侶西江一吸乾

趙州示衆云至道無難唯嫌揀擇纔有語言是揀擇是明白老僧不在明白裏是汝諸人還護惜也無時有僧問既不在明白裏護惜箇甚麼師云我亦不知云和尚既不知爲甚道不在明白裏師云問事即得禮拜了退

雪竇顯云趙州倒退三千天童覺云這僧也如切如磋不能見機而變趙州也如琢如磨幾乎事不解交衆中祇管道退身有分殊不知盡力提持還體悉麼焦執打着連底凍

雪竇頌云至道無難言端語端一有多種二無兩般天際日上月下檻前山深水寒鬪屢識盡喜何立枯木龍

吟消未乾難難揀擇明白君自看
隨庵緣云世間無
物可羅籠獨立嵯峨萬仞峯忽若有久猛推落騰身雲
外不留蹤

趙州僧問至道無難唯嫌揀擇纔有語言是揀擇和尚如
何爲人師云何不引盡這話云某甲祇念到這裏師云祇
這至道無難唯嫌揀擇

雪竇頌云水灑不著風吹不入虎步龍行鬼號神泣頭
長三尺知是誰相對無言獨足立
白雲端云驅山塞
海也尋常所至文明始是玉但見皇風成一片不知何
處有封疆

趙州僧問至道無難唯嫌揀擇是時人窺窬不師云曾有
久問我直得五年分疏不下

雪竇云識語不能轉死却了也好與二十棒這棒須有
分付處你若辨不出且放此語大行
烏田範云太衆
趙州具頂門眼向擊石火裏分緇素閃電光中明緇奪
爲甚麼却五年分疎不下還委悉麼易分雪裏粉難辨
墨中煤

雪竇頌云象王嚙呻獅子哮吼無味之談塞斷人口
南
北東西鳥飛兔走
白雲端云分疏不下五年疆一葉
舟中載大唐渺渺兀然波浪裏誰知別有好商量

趙州僧問至道無難唯嫌揀擇如何得不揀擇師云天上
天下唯我獨尊云此猶是揀擇師云田庫奴甚麼處是揀
擇僧無語

雪竇頌云似海之深如山之固蚊蟲弄空裏猛風螻蟻

撼於鐵柱揀兮擇兮當軒布鼓
白雲端云團團秋月
印天心是物前頭有
一輪入穴蝦蟆無出路却
寬天上
不平勻

趙州僧問如何是道師云
墻外底云不問這箇師云
問甚麼道云大道師云
大道通長安

投子青頌云知道還他
潦倒翁親言相指自忽忽
關山路遠重須去
一徑長途君任通
水庵十云趙老家風

不熟瞞問他大道答長安
有誰平步歸家去多是區區
自作難
松源岳云大道透長安
言端語亦端
膽盡雪

消去春來依舊寒

栢巖禪師僧問如何是道師云
徒勞車馬跡

丹霞溥頌云曹溪古路綠苔生
車馬登臨已涉程
野老

瘦羸兼跛挈手携拄杖夜深行

巴陵鑑禪師僧問如何是道師云
明眼人落井

洞山聰頌云落井須明出井機
直宜擡眼動睛輝
於斯
侷儻無纖隔
祖道汪洋得旨歸
保寧勇云秋夜霜天

月正明仰觀星象約三更
一條大路平如掌
歸去何妨
徹曉行
正覺逸云好箇明眼人
落井叢林話會幾時

休修心未到無心地
萬種千般逐水流
佛印元云南
北東西苦問人
新開多口接迷津
從茲小駁追風急
空

望悠悠脚下塵

海湖禪師有座主問和尚甚麼年行道師云
座主近前來
主近前師云且道
憍陳如甚麼年行道
主忙然無對師云
尿淋鬼



